

直隸寧州志

卷三  
卷四

DS

793

H627643

1899

v. 2









直隸定州志卷之三

歷紀

歷代事蹟

紀事編以年史例也限以地志之所以爲志也仍編年襲也曷襲乎爾志而不敢史且備考覈也旣不史矣將無復表見乎曰天子無外故無內諸侯之史內國郡縣有紀載則內地凡以明乎其爲志而已矣然則亦無所褒貶乎曰因事直書媿惡自見不史而胡褒貶爲至不以年紀莽不以統與魏飭倫紀誅暴亂則亦襲乎史之意也志而襲史意也謂之不史焉可



謂之亦史焉亦可

歷代事蹟<sup>上</sup>

己亥帝摯五年封弟放勳爲唐侯

陶唐氏祁姓也母慶都孕十四月而生堯於丹

陵名曰放勳年十五佐帝摯受封於唐二十而

登帝位

帝王世紀

○外紀曰帝堯年十六卽天子位舊志從之與世紀不

合

甲辰帝堯元載帝自唐侯踐天子位

帝摯在位九年政微弱唐侯有盛德諸侯歸之

摯服其義乃率羣臣造唐而致禪焉遂踐天子



位於平陽

帝王世紀  
叅史記

辛未周景王十有五年晉伐鮮虞

晉荀吳假道於鮮虞遂入昔陽滅肥以肥子綿

皋歸

甲戌十有八年晉荀吳帥師伐鮮虞

荀吳伐鮮虞圍鼓鼓人或請以城叛穆子弗許

使鼓人殺叛人而繕守備三月鼓人請降曰猶

有食色姑修而城鼓人告食竭力盡而後取之

以鼓子戴鞮歸

辛未二十有五年晉伐鮮虞滅鼓



晉之取鼓也旣獻而反鼓子焉又叛於鮮虞六月荀吳略東陽遂滅鼓以鼓子戴鞮歸使涉佗守之

甲午周敬王十有三年鮮虞人敗晉師於平中

獲晉觀虎恃其勇也

乙未十有四年晉士鞅衛孔圉帥師伐鮮虞

二月劉文公合諸侯於召陵謀伐楚也晉荀吳求貨於蔡侯弗得言於范獻子曰國家方危諸侯方貳將以襲敵不亦難乎水潦方降疾瘧方起中山不服棄盟取怨無損於楚而失中山不



如辭之故有是役

丙申十有五年晉士鞅圍鮮虞

報觀虎之役也

以上見左傳

辛丑二十年晉趙鞅定嗣於恒山

趙簡子告諸子曰吾藏寶符於恒山先得者賞

諸子無所得母卹還曰恒山上臨代代可取也

於是廢嫡子伯魯而立母卹

史記趙世家舊志書十三年不知何

據

己酉二十有八年齊衛求援於中山

晉趙鞅納衛太子蒯聵於戚齊國夏衛石曼姑



帥師圍之曼姑知爲子圍父非義故推齊爲兵

首又懼不勝故求援於中山

舊志參春秋杜註

庚戌二十九年齊弦施會鮮虞納荀寅於柏人

秋九月晉趙鞅圍邯鄲十一月邯鄲降荀寅奔

鮮虞趙稷奔臨十二月弦施逆之遂墮臨國夏

伐晉取邢任欒郤逆時陰人於壺口會鮮虞納

荀寅於柏人

壬子三十有一年晉趙鞅帥師伐鮮虞

治范氏之亂也

以上見左傳

丁卯周威烈王十有二年中山武公初立



武公周定王之孫西周桓王之子也

見史記趙世家徐廣

註

按通鑑前編分注云是時周衰已甚安能使子弟復據中山乎其說是也或者徐廣徒以中山姬姓遂附會其世系歟

癸酉 十有八年魏假道於趙伐中山

文侯假道於趙攻中山趙不許趙利曰魏攻中山而不能取則魏罷而趙重魏拔中山必不能越趙而守是用兵魏而得地趙也乃許之

楚伐中山

中山君饗都士大夫羊羹不遍司馬子期怒而



去說楚伐中山中山君出亡

以上戰國策

魏將樂羊克中山使太子擊守之

樂羊攻中山其子在焉中山懸之以示羊羊不  
顧烹羹致之羊啜盡一杯中山下文侯賞其功  
而疑其心因使太子擊守中山趙倉唐傳之

魏出少子摯於中山召太子擊還

初文侯出太子擊於中山居三年往來之使不  
通趙倉唐以詩諷乃出少子摯於中山而復太

子擊

節舊志叅大事記

甲辰周安王二十有五年趙與中山戰於房子



魏文侯克中山不絕其祀武侯擊嗣位其國復

興遂戰於房子

舊志參○按房子今趙世家臨城縣

乙巳二十有六年趙伐中山戰於中人

中山故城一名中人亭在定州唐縣東北四十

一里春秋時鮮虞國之中人邑也

拓地志

壬子周烈王七年中山築長城

己卯周顯王二十有七年中山君擊相魏

魏文侯既使擊復國至是始令相魏

司馬貞索隱

丁酉四十有五年中山伐趙取鄣

中山負齊之強日侵趙趙城鄣拒之中山引水



去說楚伐中山中山君出亡

以上戰國策

魏將樂羊克中山使太子擊守之

樂羊攻中山其子在焉中山懸之以示羊羊不顧烹羹致之羊啜盡一杯中山下文侯賞其功而疑其心因使太子擊守中山趙倉唐傳之

魏出少子摯於中山召太子擊還

初文侯出太子擊於中山居三年往來之使不通趙倉唐以詩諷乃出少子摯於中山而復太

子擊

節舊志叅大事記

甲辰周安王二十有五年趙與中山戰於房子



魏文侯克中山不絕其祀武侯擊嗣位其國復

興遂戰於房子

舊志參按房子今趙世家臨城縣

乙巳二十有六年趙伐中山戰於中人

中山故城一名中人亭在定州唐縣東北四十

一里春秋時鮮虞國之中人邑也

拓地志

壬子周烈王七年中山築長城

己卯周顯王二十有七年中山君擊相魏

魏文侯既使擊復國至是始令相魏

司馬貞索隱

丁酉四十有五年中山伐趙取鄣

中山負齊之強日侵趙趙城鄣拒之中山引水



圍鄙取之

舊志

戊戌四十有六年中山君始王

犀首立五王齊羞與中山並欲聯趙魏伐而廢之中山君恐遣張登如齊見田嬰而說之齊遂召中山而許之王又如趙魏趙魏皆許諾乃從趙魏而絕齊中山遂與燕趙爲王齊王怒閉關不通中山之使欲賂燕趙以攻中山藍諸君恐用張登計說燕趙俱輔中山而王事以定

參戰國策

中山王以陰姬爲后

陰姬與江姬爭爲后司馬喜謂陰姬公曰事成



則有土得民不成則恐無身欲成之何不見臣  
乎陰姬公稽首曰誠如君言事何可豫道者司  
馬喜卽奏書中山王而請之趙乃見趙王盛喻  
陰姬之美趙王大悅欲請之司馬喜歸報中山  
王曰趙王非賢王也不好道德而好聲色不好  
仁義而好勇力臣聞其乃欲請所謂陰姬者中  
山王不悅司馬喜曰趙強國也其請之必矣王  
如不與則社稷危矣與之則爲諸侯笑中山王  
曰爲將奈何司馬喜曰王立爲后以絕趙王之  
意世無請后者雖欲得請之鄰國不與也中山



王遂立以爲后趙王亦無請言也

戰國策並詳  
鑒戒司馬喜

註

甲寅周赧王八年趙略中山至於房子

趙武靈王北略中山之地至房子遂之代北至  
無窮西至河登黃華之上與肥義謀胡服騎射  
以教百姓曰愚者所笑賢者察焉雖驅世以笑  
我胡地中山吾必有之遂胡服而略中山

乙卯九年趙略中山至於甯葭

一作蔓葭地名在中山

趙伐中山取數邑中山復獻四邑以和



趙武靈王二十一年攻中山趙昭爲右軍許鈞

爲左軍公子章爲中軍王并將之牛翦將車騎

趙希并將胡代趙與之涇合軍曲陽攻取丹耶

華陽鴟之塞王軍取鄣石邑封龍東垣中山獻

四邑以和王許之罷兵

按鴟一作鴻上故關今名汝城在定州唐縣東

北六十里本晉

鴻上關城

戊午十有二年趙攻中山

以上趙世家

庚申十有四年趙伐中山中山君奔齊

綱目

辛酉十有五年趙復攻中山

趙世家

甲子十有八年趙伐中山取扶柳

戰國策



扶柳屬信都其地有扶澤澤中多柳故名

漢地志

乙丑 十有九年中山從五國攻秦

秦昭王十一年齊韓魏趙宋共攻秦至鹽氏而

還

秦本紀正義曰中山此時屬趙故云五國

丙寅 二十年趙以燕齊之師滅中山遷中山王於膚施

趙惠王三年滅中山遷其王於膚施起靈壽北

地方從代道大同還歸行賞大赦置酒酺五日

趙世

○趙主父使李疵視中山可攻不也還報家曰可伐也君不亟伐將後齊燕主父善

其言遂以燕齊之

○韓非

師伐之中山遂滅

癸酉 秦王政十有九年秦軍屯中山



王翦羌瘃盡定取趙地東陽得趙王引兵欲攻

燕屯中山

秦始皇本紀

丁亥漢景帝前三年封皇子勝爲中山王

孝景皇帝子勝趙敬肅王彭祖之同母弟也賈

夫人所生景帝三年詔封中山王

參前漢書

癸卯武帝建元三年中山王勝朝於京師

時武帝初卽位大臣懲吳楚七國行事皆以諸

侯太强欲稍侵削諸侯王自以骨肉至親先帝

所以廣封連城者爲磐石宗也今或無罪見辱

莫不悲怨及來朝天子置酒勝聞樂而泣上問



其故勝具以對上乃厚諸侯之禮省有司奏諸

侯事加親親之恩焉

參前漢書本傳○聞樂對見藝文志

戊辰武帝元鼎四年中山王勝薨

謚曰靖勝為人樂酒好內有子百二十餘人得

侯者二十在位四十三年薨子哀王昌嗣封前漢

書本○中山王世系詳封爵傳

戊辰宣帝甘露元年中山太上皇廟災

前漢書五行志

中山懷王循薨於五鳳三年無子絕越二年太

上皇廟災

按舊志載徙封清河王竟為中山王考前漢書本傳云幼少未之國薨於邸似於定州事無涉



故弗錄

戊戌成帝陽朔二年徙封信都王興爲中山王

成帝之議立太子也御史大夫孔光以爲尙書

有殷及王兄終弟及中山王元帝之子宜爲後

成帝以中山王不材又兄弟不得相入廟外家

王氏與趙昭儀皆欲用哀帝爲太子故遂立焉

上乃封孝王舅馮參爲宜鄉侯而益封孝王萬

戶以慰其意

中山孝王傳

壬戌子成帝元延四年中山王興朝於京師

中山王興與定陶王欣同入朝欣盡從傳相中



尉興獨從傳上怪之以問定陶王對曰令諸侯  
王朝得從其國二千石傳相中尉皆國二千石  
故盡從之上令誦詩通曉能說他日問中山王  
獨從傳從何法令不能對令誦尚書又廢及賜  
食於前後飽起下韉係解成帝由此以爲不能  
而定陶王立矣

哀帝紀

癸丑成帝綏和元年中山王興薨

謚曰孝子箕子嗣

乙卯哀帝建平元年中山王太后馮氏自殺

詳后妃馮太后註

庚申哀帝元壽二年秋七月迎中山王箕子九月卽帝



位

夏六月哀帝崩無嗣遣車騎將軍王舜大鴻臚

左咸使持節迎中山王卽皇帝位是爲平帝

辛酉平帝元始元年立故桃鄉頃侯子成都爲中山王

王莽顓國權懲丁傅行事以帝爲成帝後母衛

姬及外家不當得至京師乃更立宗室桃鄉頃

侯子成都爲中山王奉孝王後成都東平思王

宇後也

以帝母衛姬爲中山孝王后

夏六月使少傅左將軍甄豐賜帝母中山孝王



姬璽書拜爲中山孝王后以苦陘縣爲湯沐邑

癸亥元始三年莽滅中山衛太后家

王莽長子宇非莽隔絕衛氏私與衛寶通書記

教衛后上書謝恩冀得至京師復教令上書求

至京師事發莽殺宇盡滅衛氏支屬惟衛后在

後五年王莽篡國廢后爲家人

以上衛姬傳

庚午新莽以中山王爲列侯

漢諸侯王爲公者悉上璽綬爲民中山王成都

以獻書頌莽功德與廣陽王嘉魯王閔皆封列

侯嘉獻符命閔獻神書故也



甲申淮陽王更始二年耿弇謁大司馬劉秀於盧奴

時耿况遣其子弇奉奏詣長安行至宋子會王

郎起弇從吏孫倉衛包曰劉子輿與成帝正統舍

此不歸遠行安之弇按劍曰子輿與樊賊卒爲降

虜耳我至長安陳漁陽上谷兵馬歸發突騎以

麟

章懷太子  
日麟轅也

烏合之衆如摧枯折腐耳觀公等

不識去就族滅不久也倉包遂亡降王郎弇聞

大司馬秀在盧奴乃馳北上謁秀留署長史與

俱北至薊

通鑑

大司馬秀擊中山拔盧奴



昌城人劉植宋子人耿純各率宗親子弟據其縣邑以奉司馬秀於是北降下曲陽眾稍合樂附者至有數萬人復北擊中山拔盧奴所過發奔命兵移檄邊郡共擊邯鄲郡縣還復響應

乙酉漢世祖光武皇帝至中山諸將上尊號不許於鄣

始卽帝位改建武元年

馮異寇恂之破蘇茂也馬武率諸將請上尊號不許至中山諸將上奏又不聽至南平棘始從耿純之請卽位於鄣

戊子建武四年帝幸盧奴



夏四月丁巳上幸鄴由臨平元氏進幸盧奴

丁酉建武十有三年降中山王茂爲單父侯

上從朱祐之奏以人臣不加王爵遂降茂爲單

父侯宗室絕國者凡一百三十七人

辛丑建武十有七年進右翊公輔爲中山王

郭后寵衰數懷怨懟上怒廢爲中山太后進右

翊公輔爲中山王以常山郡益中山國

甲辰建武二十年徙中山王輔爲沛王

乙巳建武二十一年匈奴由上谷入寇中山  
以上光武紀

己未明帝永平二年中山王焉始就國



建武三十年封左翊王焉爲中山王上以焉爲  
郭太后少子太后尤愛之故獨留京師至是始  
與諸侯王俱就國賜以虎賁官騎恩寵尤厚獨

得往來京師

通鑑

己永平十有一年中山王焉朝於京師

明帝紀

壬永平十有五年詔削中山國安險縣

焉姬韓序有過焉縊殺之國相舉奏坐削安險

縣至元和中始以安險還中山

後漢書中山王焉傳

壬章帝建初七年中山王焉朝於京師

中山王焉與諸王同朝京師詔沛濟南東平中



山諸王贊拜不名升殿乃拜上親答之每入宮輒以輦迎至省閣乃下上爲之興席改容皇后

親拜於內皆鞠躬辭謝不自安

綱目

甲申章帝元和元年中山王焉朝於京師

乙酉元和二年中山王焉會烝祭

九月徵濟南王康中山王焉會烝祭

以上章帝紀

丙戌元和三年中山王焉從帝北巡帝遂幸中山

正月帝北巡狩中山王焉與諸王從辛丑帝耕

於懷二月乙丑勅侍御史司空曰方春所過毋

或有所伐殺車可以引避引避之駢馬可輟解



輟解之戊辰進幸中山遣使者祀北嶽出長城

通鑑叅  
章帝紀

戊子章帝章和二年中山王焉朝於京師

焉與濟南王康俱入朝上性寬仁篤於親親故  
於二王入朝特加恩寵及諸昆弟並留京師不

遣就國又賞賜羣臣過於制度倉帑爲虛

通鑑

庚寅和帝永元二年中山王焉薨

謚曰簡自中興至和帝時皇子始封薨者皆賻

錢三十萬布三萬匹是時竇太后臨朝竇憲兄

弟擅權太后及憲等東海出也故睦於焉而重



於禮特加賻錢一億大爲修冢墳開神道平夷

吏民冢墓者以千數作者數萬人發常山鉅鹿

涿郡柏黃腸雜木凡徵發搖動六州十八郡

後漢

書中山

簡王傳

辛亥安帝永初五年詔中山作塢堠

先零羌寇河東至河內百姓相驚多南奔渡河

使北軍中侯朱寵將五營士屯孟津詔魏郡趙

國常山及中山繕作塢堠六百一十六所

通鑑

戊午元初五年中山王憲薨

簡王焉之薨也憲嗣爲中山王憲弟十一人皆



封列侯立二十二年薨謚曰夷子宏嗣

中山簡王傳

丙寅順帝永建元年詔黎陽營兵出屯中山

朔方以西障塞多壞鮮卑因此數侵南匈奴單

于憂恐上書乞修復障塞十月庚寅詔黎陽營

兵出屯中山北界令緣邊增置步兵列屯塞下

教習戰射

通鑑

庚辰順帝永和五年中山王宏薨

謚曰孝子暢嗣

中山簡王傳

乙卯靈帝熹平四年中山王暢薨

謚曰穆無子國除

衆靈帝紀



宗室備除中山安喜尉

史不詳年月附紀於此

備爲中山靖王之後靈帝末黃巾起州郡各舉

義兵備率其屬從校尉鄒靖討黃巾賊有功除

安喜尉督郵以公事來縣備求謁不通直入縛

督郵杖二百解綬繫其頸著馬柳棄官亡命

蜀志

先主傳

甲申獻帝建安九年袁尙救鄴敗走於中山

袁尙之救鄴也操逆擊之尙敗走於曲障操進

圍之尙遣使乞降操不聽圍之益急尙將馬延

張顗等臨陣降眾大潰尙奔中山盡收其輜重



通鑑參魏  
志袁尚傳

冬十月袁譚攻尚於中山

曹操之圍鄴也袁譚復背之略取甘陵安平勃

海河間攻袁尚於中山尚敗走故安從袁熙譚

悉收其眾還屯龍湫

魏志袁  
尚傳

壬子漢後皇帝建興十年魏徙封濮陽王袞為中山王

袞素尚約儉教敕妃妾紡績織紵習為家人之

事至是改封中山王

癸丑建興十一年魏削中山王袞二縣

初袞來朝犯京都禁有司奏袞歡詔曰王素敬



慎選近至此其以議親之典議之有司固執詔  
削縣二戶七百五十袞憂懼戒救官屬愈謹叡  
嘉其意明年復所削縣

乙卯建興十三年魏中山王袞卒

袞得疾病詔遣太醫視疾殿中虎賁齋手詔賜  
珍饈相屬又遣太妃沛王林並就省疾袞疾困  
敕令官屬曰吾寡德忝寵大命將盡吾旣好儉  
而聖朝著終誥之制爲天下法吾氣絕之日自  
殯及葬務奉詔書昔衛大夫蘧瑗葬濮陽吾望  
其墓嘗想其遺風願託賢靈以敝髮齒營吾兆



域必往從之禮男子不卒婦人之手亟以時成  
東堂名之曰遂志之堂輿疾往居之及薨詔沛  
王林留訖葬使大鴻臚持節典護喪事宗正弔  
祭贈賻甚厚凡所著文章二萬餘言才不及陳  
思王而好與之侔謚曰恭子孚嗣

以上魏志中山恭王衮傳

叅綱目

乙酉 晉武帝泰始元年封司馬睦爲中山王

冬十二月武帝受魏禪大封宗室丁卯以司馬

睦爲中山王睦字子友譙王遜之弟也仕魏爲

安平亭侯歷侍御史禪代後進封爲王食邑五



千二百戶

晉書高陽王睦傳

丁酉武帝咸甯三年降中山王睦爲丹水侯

初泰始三年司隸校尉上黨李熹劾中山王睦等各占官稻田上特宥之至是冀州刺史杜友奏睦招誘逋亡不宜君國詔貶睦爲丹水縣侯

晉書本傳

參通鑑

八月癸亥封濟南王耽爲中山王

耽濟南惠王遂之子也泰始二年惠王薨耽嗣

立至是徙封中山卽薨無子弟緝襲爵後從成

都王穎拒王浚歿於陣無子國除

濟南惠王傳



舊志載泰始三年以濟南惠王遂之子咸甯王耽徙爲中山王攷晉書濟南惠王遂傳泰始二年惠王遂薨子耽嗣咸甯三年徙爲中山王咸甯係晉武年號舊志誤以爲耽王號特爲更正

己巳懷帝永嘉三年石勒遣將攻中山

漢安東大將軍石勒寇鉅鹿常山衆至十餘萬

集衣冠文物別爲君子營并州諸胡羯懼勒威

名多有附者至是遣諸將攻中山博陵高陽諸

縣降之者數萬人

晉書石勒載記參通鑑

辛未永嘉五年劉琨使劉希合衆於中山

琨長於招懷而短於撫御一日之中雖歸者數

千而去者亦相繼琨遣子遵請兵於代公猗盧



又遣族人高陽內史希合衆於中山幽州所統  
代郡上谷廣甯之民多歸之衆至三萬王浚怒  
遣燕相胡矩督諸軍與遼西公段疾陸眷共攻  
希殺之驅略三郡士女而去

通鑑

舊志此下有劉琨奔常山一條攷晉書琨雖中山魏昌人而始終未拜中山官爵且奔常山亦與中山無涉故裁去又舊志載石勒封其子虎爲中山公尋封中山王俱係遙加封號並未就國亦於本州事蹟無涉宜歸入封爵而此處亦從刪

### 劉琨遣王旦攻中山

石勒命秦固署中山太守劉琨遣王旦攻之逐  
秦固勒將劉劬引兵距旦敗之執旦於望都關



按此事通鑑綱目俱不載晉書載記亦不詳年月惟石勒載記王旦攻中山前有策命石勒賜弓矢得專征伐數語通鑑紀於建興三年九月王旦攻中山後有石虎攻劉演於廩邨一事通鑑紀於建興四年四月則此事定在三  
年四年之間故附紀於此以備參考

### 丁零翟鼠叛石勒討之

勒攻中山獲其母妻而還

辛亥 穆帝永和七年燕慕容恪拔中山

燕王雋遣慕容恪攻中山慕容評攻王午於魯口恪次唐城魏將白同中山太守侯龕固守不下恪留其將慕容彪南徇常山軍於九門魏趙

郡太守李邽舉郡降恪厚撫之將邽還圍中山



侯龕乃降恪入中山秋毫不犯

通鑑參  
晉載記

燕以孫興爲中山太守

燕旣得中山以故北平太守興爲中山太守興

善於綏撫中山遂安

通鑑

燕慕容彪攻陷中山

彪陷中山殺閔甯北白同

晉書冉  
閔載記

壬子永和八年燕慕容恪與冉閔戰於廉臺遂執閔

魏主閔旣克襄國因遊食常山中山諸郡燕王

雋遣慕容恪等擊之閔軍於安喜慕容恪引兵

從之閔趨常山恪追之及於魏昌之廉臺閔素



有勇名燕人憚之交戰皆不勝恪分軍爲三部  
擇鮮卑善射者五千人以鐵鎖連其馬爲方陣  
而前閔所乘駿馬曰朱龍日行千里閔左操兩  
刃矛右執鈎戟以擊燕兵斬首三百餘級望見  
大幢知其爲中軍直衝之燕兩軍從旁夾擊圍  
之數重閔潰圍東走二十餘里朱龍忽斃遂爲  
燕兵所執與董閔張溫皆送於薊命恪鎮中山  
秋七月燕王雋至中山

冬十月中山蘇林起兵於無極慕容恪擊斬之

慕容恪屯軍安平積糧治攻具將攻王午丙戌



中山蘇林起兵於無極自稱天子恪自魯口還  
討林燕王雋遣廣威將軍慕輿根助恪攻林斬

之

甲寅永和十年燕王以子暉爲中山王

丁巳穆帝升平元年燕王雋立中山王暉爲太子

大赦改元光壽

以上通鑑

己未升平三年燕主封其子冲爲中山王

燕王雋立小學於顯賢里以教胄子封其子宏

爲濟北王冲爲中山王晏羣臣於蒲池酒酣賦

詩

晉書慕容雋載記



甲申 孝武帝太元九年燕慕容麟拔中山

初秦固安侯苻鑑守中山夏六月燕慕容麟拔  
常山郡進圍中山秋七月克之執苻鑑麟威聲  
大震留屯中山

翟真叛燕趨中山屯於承營

燕主垂誅翟斌及其弟檀敏斌兄子真夜將營  
衆北奔邯鄲八月自邯鄲北走燕王垂遣太原  
王楷驃騎大將軍農帥騎追之至於下邑楷欲  
戰農曰士卒饑倦且視賊營不見丁壯殆有他  
伏楷不從進戰燕兵大敗真北趨中山屯於承



營與公孫希宋厥遙相首尾冬十月長樂公丕遣宦者冗從僕射清河光祚將兵數百赴中山與真相結

乙酉 太元十年燕慕容農慕容麟大敗翟真於中山

燕將慕容農引兵會慕容麟於中山共攻翟真麟農先帥數千騎至承營觀察形勢翟真望見陳兵而出諸將欲退農曰望真所在而衝之真走衆必散乃邀門而蹙之可盡殺也使驍騎將軍慕容國帥百餘騎衝之真走其衆自相蹈藉死者大半遂拔承營外郭



春三月翟真夜襲中山不克

燕王垂攻鄴不下乃命樂浪王溫屯中山召驃騎大將軍農還鄴溫在中山兵力甚弱謂諸將曰以吾之衆攻則不足守則有餘但應聚糧厲兵以俟時耳於是撫舊招新勸課農桑民歸附者相繼翟真夜襲中山溫擊破之自是不敢復至

燕大營中山宮室

慕容溫在中山撫綏得宜郡縣壁壘爭送軍糧倉庫充溢乃遣兵一萬運糧以餉垂且營中山



宮室

冬十有二月燕王垂始定都於中山

燕王垂北如中山謂諸將曰樂浪王招流離實  
倉廩外給軍糧內營宮室雖蕭何之功何以加  
之

丙戌太元十有一年春正月燕王垂於中山稱皇帝始

置公卿百官繕治宗廟社稷

燕王垂留太子寶守中山

八月燕王垂留太子寶守中山以趙王麟爲尙

書右僕射錄留臺



冬十月燕趙王麟會魏王珪敗拓跋窟咄於高柳  
魏拓跋窟咄屯高柳麟引兵與魏王珪會擊之  
窟咄大敗奔劉衛辰衛辰殺之珪悉收其衆麟  
引兵還中山

丁亥  
太元十有二年燕主還都

燕主垂自碯礮還中山慕容柔慕容盛慕容會  
來自長子垂爲之大赦

夏四月劉牢之進兵至鄴燕主垂逆戰敗走牢之  
追擊大敗而還

牢之至鄴燕主垂逆戰而敗遂撤圍遁歸牢之



引兵追之疾趨二百里至五橋澤爭燕輜重垂  
邀擊大破之牢之單馬走會秦救至得免鄴中  
飢甚長樂公丕帥衆就晉穀於枋頭牢之入屯  
鄴城兵復少振尋坐軍敗徵還丕亦還鄴燕秦  
相持經年幽冀人相食邑落蕭條垂以桑椹爲  
軍糧北趨中山使農先驅眭邃等皆來迎上下  
如初

夏五月賈鮑等襲中山慕容宙與太子寶擊走之  
章武王宙輔太子寶守中山垂自帥諸將南攻  
翟遼井陘人賈鮑招引北山丁零翟遙等五千



餘人夜襲中山陷其外郭宙以奇兵出其外寶鼓譟於內合擊大破之盡俘其衆唯遙鮑單馬

走免

以上通鑑

燕主垂自黎陽還都

秋八月燕主垂徙烏桓八千餘落於中山

劉衛辰獻馬於燕劉顯掠之燕主垂怒遣兵會

魏擊顯破之顯奔西燕垂立其弟可泥爲烏桓

王以撫其衆因徙八千餘落於中山

參綱目舊志作八十

餘落未

知何據

戊子 太元十有三年魏遣九原公議奉使來燕



魏王珪陰有圖燕之志遣九原公儀奉使至中山還言於珪曰燕主衰老太子闇弱范陽王自負材氣非少主臣燕主歿內難必作於時乃可圖也今則未可珪善之

綱目

己丑太元十有四年清河民孔金斬吳深送首於中山

初燕寺人吳深據清河叛燕主垂攻之不克後復攻拔其壘深單馬走至是護軍將軍平幼會章武王宙復討吳深大破之深走保繹幕繹幕清河屬縣也故清河民斬之

夏五月賀訥質其弟染干於中山



燕范陽王德趙王麟擊賀訥追奔至勿根山訥窮請降徙之上谷因質其弟

辛卯 太元十有六年燕徙賀染干於中山

賀染干謀殺其兄訥燕主垂遣趙王麟將兵擊訥鎮北將軍蘭汗帥兵擊染干夏四月蘭汗破染干於牛都六月甲辰趙王麟破賀訥於赤城擒之降其部落數萬燕王垂命麟歸訥部落而徙染干

秋七月魏王珪遣其弟觚來燕

魏王珪遣其弟觚獻見於中山燕主垂衰老子



弟用事留觚以求良馬魏王珪弗與遂與燕絕

以上  
通鑑

冬十月燕王垂還都

自范陽還也

癸巳

太元十有八年燕王垂發中山步騎七萬伐西燕

燕主垂議伐西燕諸將未可范陽王德曰永旣  
國之枝葉又僭舉位號宜先除之以一民心垂  
曰司徒意正與吾同吾雖老叩囊底知足以取  
之終不留此賊以累子孫也遂發中山步騎七

萬次於鄴

通鑑參晉書  
慕容垂載記



乙未 太元二十年燕主垂會兵於中山

初燕主垂遣太子寶擊魏魏王珪將兵拒燕燕軍夜遁大敗於參合陂太子寶單騎走免恥之

請更擊魏垂乃命高陽王隆長樂公盛悉引精

兵還中山期以明年大舉擊魏

通鑑參綱目

丙申 太元二十有一年燕主垂留范陽王德守中山引

兵大舉伐魏

正月燕高陽王隆引龍城之甲入中山軍容精

整燕人之氣稍振三月燕主垂留范陽王德守

中山引兵密發踰青嶺經天門鑿山通道出其



不意直指雲中魏陳留公虔鎮平城垂襲之虔  
出戰敗死燕軍盡收其部落珪震怖欲走不知  
所適

夏四月燕主垂卒於上谷

垂之過參合陂也見積骸如山爲之設祭軍士  
慟哭聲震山谷垂慚憤嘔血由是疾發乘馬輿  
而進頓平城積十餘日疾轉篤乃築燕昌城而  
還四月卒於上谷之沮陽至中山而後發喪謚  
曰成武皇帝廟號世祖壬寅太子寶卽位大赦

改元永康

以上綱目參  
慕容垂載記



秋九月慕容寶徙高陽王隆家屬還中山

燕清河公會雄俊有器藝燕主垂愛之禮遇一如太子命會鎮龍城國官府佐皆選一時材望九月章武王宙奉燕主垂及段后之喪葬於龍城宣平陵寶詔宙悉徙高陽王隆參佐部曲家屬還中山會違詔多留部曲不遣見者皆知其有異志

通鑑

燕遼西王農爲魏師所敗逃還

魏王珪大舉伐燕步騎四十餘萬遼西王農出戰大敗奔還晉陽慕容與嵩閉門拒之農將妻子



帥數千騎東走魏中領將軍長孫肥追及於潞川獲農妻子燕軍盡歿農被創獨與三騎逃還

中山魏王珪遂取并州

燕主寶城中山命遼西王農出屯於安喜

燕主寶聞魏軍將至議於東堂趙王麟曰魏軍

乘勝氣銳其鋒不可當宜完守中山待其敝而

乘之於是修城積粟爲持久計命農出屯安喜

軍事動靜悉以委麟

以上通鑑參慕容寶載記

冬十月魏王珪趨攻中山不下

珪自井陘趨中山李先降魏珪進攻常山拔之



獲太守苟延自常山以東守宰或走或降諸郡

縣皆附於魏惟中山及鄴信都三城爲燕守

通鑑

參魏書

太祖紀

丁酉安帝隆安元年魏王珪拔信都燕宜都王鳳奔中

山

王建等攻信都六十餘日不下士卒多死正月

庚申魏王珪自攻信都壬戌夜燕宜都王鳳踰

城奔中山

燕主寶出屯深澤敗績於滹沱

寶聞魏王珪攻信都出屯深澤悉出珍寶及宮



人募郡國羣盜以擊魏魏沒根兄子醜提聞其  
叔父降燕懼誅帥所部兵還國作亂珪欲北還  
寶悉發其衆營於滹沱水北以邀之魏軍至營  
於水南寶潛師夜濟襲魏營珪擊鼓聚衆多布  
火炬於營外縱騎衝之燕兵大敗寶懼引還中

山

通鑑參晉書慕容寶  
載記及魏書太祖紀

春三月魏王珪如盧奴辛亥圍中山

燕主寶使人請於魏欲還其弟觚割常山以西  
以求和珪許之旣而寶悔之己酉珪如盧奴辛

亥命諸將圍中山

通鑑參魏  
書太祖紀



燕主寶奔龍城中山人立慕容詳以拒魏

魏之圍中山也燕將士皆請於寶曰今坐守窮城終於困敝臣等願得一出樂戰寶許之高陽王隆乃被甲上馬詣門俟命趙王麟固止之衆大忿恨隆涕泣而還是夜麟引兵作亂殺北地王精出奔西山城中震駭乃召隆及驃騎大將軍農謀去中山保龍城農部將谷會歸勸農留中山不聽寶夜率羣臣出赴會軍中山城中無主百姓惶惑東門不閉魏王珪欲夜入城冠軍將軍王建止之城中立慕容詳爲主閉門拒守



珪連日攻之不拔

燕慕容隆遣西河公庫儻官驥帥師助守中山

燕主寶去中山至於薊殿中親近散亡略盡惟

高陽王隆所領數百騎爲宿衛清河王會帥騎

卒二萬迎於薊南寶詔解會兵以屬隆隆固辭

乃減會兵分給農隆遣西河公庫儻官驥帥兵

三千助守中山丙辰寶盡徙薊中府庫北趨龍

城

夏四月燕慕容會作亂不克奔中山

會旣敗魏兵矜狠滋甚隆屢訓責之會益憤恚



乃謀作亂四月癸酉寶宿廣都黃榆谷會遣其  
黨帥壯士二千餘人分道襲隆農殺隆於帳中  
農被重創甲戌旦寶召羣臣食會就坐寶目衛  
軍將軍慕輿騰使斬會傷其首不死會走赴其  
軍勒兵攻寶寶帥數百騎馳二百里晡時至龍  
城會遣騎追之不及丙子頓兵城下命軍士向  
寶大譟以耀威城中將士皆憤怒向暮出戰大  
破之會敗走寶侍御郎高雲夜襲會軍會衆潰  
散會獨與十餘騎奔中山開封公詳殺之寶殺

會母及其三子

以上通鑑參  
慕容寶載記



夏五月魏王珪解中山圍慕容詳自立爲帝

魏王珪以軍食不給命東平公儀去鄴徙屯鉅

鹿積租陽城燕庫僞官驥入中山與開封公詳

相攻詳殺驥盡滅庫僞官氏又殺中山尹苻謨

夷其族中山城無定主民恐魏兵乘之男女結

盟人自爲戰甲辰魏王珪罷中山之圍就穀河

間督諸郡義租甲寅慕容詳自謂能卻魏兵威

德已振乃稱帝改元建始

通鑑系魏書太祖記

秋七月燕慕容麟殺詳而自立魏襲中山入鄆而

還



秋七月慕容詳殺可足渾潭詳嗜酒奢淫不恤  
士民羣下離心城中饑窘皆謀迎趙王麟詳遣  
輔國將軍張驤督租於常山麟自丁零入驤軍  
潛襲中山城門不閉執詳斬之遂稱尊號魏王  
珪軍魯口遣長孫肥帥騎七千襲中山入其郭  
麟追至派水爲魏所敗

秋八月魏遣撫軍大將軍略陽公遵襲中山入郭  
而還

八月丙寅魏王珪徙軍常山之九門軍中大疫  
人畜多死將士皆思歸珪不可乃遣撫軍大將



軍略陽公遵襲中山入其郛

冬十月魏敗慕容麟於義臺遂克中山

中山饑甚慕容麟帥二萬餘人出據新市魏王

珪進軍攻之麟懼退阻派水十月甲戌珪與麟

戰於義臺大破之斬首九千餘級麟與數十騎

馳取妻子如西山遂奔鄴甲申魏克中山燕公

卿尙書將吏士卒降者二萬餘人珪入城得燕

璽綬圖書府庫珍寶班賞將士羣臣有差

以上通鑑

參晉書慕容寶載  
記及魏書太祖紀

戊戌  
隆安二年魏王珪置行臺



春正月魏遣衛王儀入鄴收其倉庫追慕容德  
至河弗及庚子魏王珪自中山南巡至鄴置行  
臺以龍驤將軍日南公和跋爲尙書與左丞賈  
彝帥吏兵五千人鎮鄴珪自鄴還中山將北歸  
發卒萬人治直道自望都鑿恒嶺至代五百餘  
里珪恐山東有變復置行臺於中山命衛王儀  
鎮之

魏王珪發中山

珪發自中山至於望都堯山徙山東六州吏民  
雜夷十餘萬口以實代



三月魏以略陽公遵鎮中山

召衛王儀入輔以略陽公遵代之

以上通鑑參  
魏書太祖紀

己亥隆安三年魏中山太守仇儒叛中領軍長孫肥討

平之

詳鑑  
戒

戊辰魏世祖神麀元年定州丁零叛遣鎮南將軍叔孫

建擊之

冬閏十月定州丁零鮮于臺陽翟喬等二千餘

家叛入西山劫掠郡縣州軍討之失利故遣建

擊之

庚午神麀三年詔定州及冀相二州造船三千艘



時聞劉義隆將寇邊乃詔定冀相三州造船三

千艘簡幽州以南戍兵集於河上以爲備

以上魏書

世祖本紀

參通鑑

秋七月詔杜超督定州及冀相二州諸軍

魏主以河南四鎮兵少命諸軍悉收衆北渡戊

子魏礪礪戍兵棄城去戊戌滑臺戍兵亦去乃

以大鴻臚陽平公杜超爲督都定冀相三州諸

軍事

通鑑

辛未神麀四年賑定州饑民

二月丁丑行幸南宮定州民饑詔啟倉廩以賑



之

乙亥世祖太延元年次定州新城宮

以上魏書世祖本紀

丙子太延二年詔發定州兵通莎泉道

秋八月魏主遣廣平公張黎發定州兵一萬二

千人通莎泉道黎雁門平原人也善書計太祖

知待之太宗器其忠亮賜爵廣平公

通鑑系魏書世祖紀

及張黎傳

己卯太延五年幸定州

正月行幸定州三月始自定州還宮

癸禾世祖太平眞君四年幸定州



正月行幸中山二月丙子車駕至於恒山之陽

詔有司刊石勒銘三月還宮

甲申太平眞君五年徙北部民於定及冀相二州

六月北部民殺立義將軍衡陽公莫孤率五千  
餘落北走追擊於漠南殺其渠帥餘徙居定冀  
相三州爲營戶

乙酉太平眞君六年幸定州

正月行幸定州引見長老存問之三月還宮

以上

魏書世

祖紀

丙戌太平眞君七年發定州及冀相二州兵屯長安



防越逸也

發定司幽冀四州兵築塞圍

發四州兵十萬人築畿上塞圍起上谷西至於

河廣袤皆千里

丁亥太平真君八年幸中山徙丁零三千家於京師

二月魏主行幸中山頒賜從官文武皆有差三

月徙丁零三千家於京師夏五月還宮

以上魏書世祖

紀系通鑑

戊子太平真君九年幸中山罷塞圍役者

二月行幸定州罷築塞圍遂西幸上黨三月還



宮

魏書世祖紀

庚寅 太平真君十有一年赦定州死罪

壬辰 世祖正平二年中山降民謀叛州軍討平之

正月魏所得宋民五千餘家在中山者謀叛州軍討誅之冀州刺史張掖王沮渠萬年坐與叛

者同謀賜死

通鑑參魏書世祖紀

癸巳 高宗興安二年幸中山

冬十有一月行幸信都中山觀察風俗

甲午 高宗興光元年幸中山

十有一月行幸中山遂幸信都十有二月還宮



丙申高宗太安二年定州丁零餘黨聚寇於井陘刺史

許宗之滅之

二月丁零數千家亡匿井陘聚爲寇盜詔定州

刺史許宗之討平之

戊戌太安四年觀馬射於中山

二月南幸信都畋遊於廣川三月丁未觀馬射

於中山所過郡國賜復一年丙辰還宮

按舊志載和平元年魏主禮恒嶽二年南巡復遣使禮恒嶽攷魏書高宗紀均無其事從刪

辛丑高宗和平二年幸中山

二月行幸中山遂幸信都

○魏書高宗紀



舊志載太和三年立王叡爲中山王正始元年立元英爲中山王攷魏書二王未就國故不錄

辛酉 高宗太和五年幸中山

正月魏主南巡司空苟頽留守丁亥至中山親見高年問民疾苦丁酉幸信都存問如中山癸卯復如中山庚戌還都

癸亥 太和七年賑定州饑民

三月甲戌以定冀二州民饑詔郡縣爲粥於路以食之又弛關津之禁任其去來

乙丑 太和九年詔買定州饑民良口者盡還所親

詔曰數年災水饑饉薦臻致有賣鬻男女者天



之所譴在予一人而百姓無辜橫罹艱毒朕用  
殷憂夕惕忘食與寢今自太和六年以來買定  
冀幽相四州饑民良口者盡還所親雖聘爲妻  
妾遇之非禮情不樂者亦離之

甲太和十八年幸中山

冬十月辛亥車駕發平城壬戌次於中山之唐  
湖乙丑分遣侍臣問民疾苦遂幸信都十有一  
月朔詔定州民百年以上假以縣令九十以上  
賜爵三級八十以上賜爵二級七十以上賜爵  
一級鰥寡孤獨不能自存者賜以穀帛孝義廉



貞文武應求者具以名聞

以上魏書  
高宗紀

丙子太和二十年定州刺史穆泰陸叡謀反任城王澄

討平之

穆泰有寵於魏主魏主南遷所親任者皆不樂

泰初爲定州刺史請刺恒州帝因徙恒州刺史

陸叡刺定州而以泰代之泰至叡未發遂同謀

作亂推陽平王頤爲主頤僞許泰等以安其意

而密以狀聞帝詔任城王澄將兵討之至雁門

太守夜告曰泰已引兵西就陽平澄遽令進發

倍道兼行先遣李煥單騎入代曉諭泰黨示以



禍福皆莫爲之用遂擒秦澄收陸叡等百餘人

皆繫獄民間帖然

通鑑

癸未世宗景明四年發定冀等六州軍會於淮南

魏揚州刺史任城王澄表稱蕭衍欲以巢湖灌淮南諸戍且灌且掠淮南之地將非國有壽春去江五百餘里衆庶惶惶宜豫勒諸州纂集士馬首秋大集應機經略則江西自是無虞矣丙戌詔發定冀瀛相并濟六州二萬人馬一千五百正令仲秋之中畢會淮南并壽春兵三萬委

澄經略

通鑑參  
世宗紀



丙戌正始三年詔發定冀諸軍以益南兵

乙未世宗延昌四年定州刺史崔亮攻梁將趙祖悅於

硤石

秋九月梁游擊將軍趙祖悅襲硤石據之以逼

壽陽癸亥魏遣定州刺史崔亮假鎮南將軍率

諸將討之

魏書肅宗紀

庚子肅宗正光元年可朱渾元徙家屬於定州

元寬仁有武略與高歡相知北邊擾亂遂將家

屬赴定值鮮于修禮作亂元擁衆屬焉

齊書渾元傳

舊志載中山王熙討元義事按熙中山王英之子於延昌六年襲封父爵累遷安西將軍尋授



相州刺史卽於是年七月入治後以劉騰元義矯詔殺清河王懌起兵被執斬於鄴街是熙並未就國概置不書

乙巳 肅宗孝昌元年以楊津爲定州刺史

正月以散騎常侍楊津行定州事

魏書楊津傳

楊津破鮮于修禮於定州

詳名宦

以元琛爲定州刺史

琛齊郡王簡之子也幼而敏慧高祖愛之琛妃

世宗舅女高皇后妹故有是命

魏書琛本傳

夏六月詔以西部拔陵衆就食於定州

柔然大破破六韓拔陵斬其將孔雀等拔陵南



徙渡河將軍李叔仁以拔陵稍逼求援於廣陽  
王深深帥衆赴之賊前後降赴者二十萬人深  
與行臺元纂表乞於恒州北別立郡縣安置降  
戶隨宜賑貸息其亂心朝廷不從詔黃門侍郎  
楊昱分處之定冀瀛三州深謂纂曰此輩復爲

乞活矣

通鑑

丙午孝昌二年鮮于修禮叛攻定州都督楊津擊退之

杜洛周之叛也五原降戶在恒州者謀奉元深  
爲主深懼上書乞還洛陽詔以楊津代深爲都  
督以深爲侍中右衛將軍定州刺史五原降戶



鮮于修禮率北鎮流民反於定州改元魯興引兵向州城中山太守趙叔隆別駕崔融討賊失利楊津至靈邱聞定州危迫引兵來救入據州城修禮至津開門出戰斬首數百賊退人心少

安

通鑑參魏書元琛傳

舊志載東魏孝靜帝天平二年高歡擊中山胡劉蠡升升自稱天子攷魏書肅宗紀孝昌元年山胡劉蠡升反資治通鑑亦云魏山胡劉蠡升反皆無中山字惟北齊書神武紀載孝昌中山胡劉蠡升自稱天子中字屬年號非與山字連讀想當時修志者失於檢點耳刪之并記

夏五月燕州刺史崔秉奔定州

元年八月杜洛周曾圍崔秉於燕州魏遣常景



元譚討之兵屯居庸不進至二年五月乘衆棄

城奔定州

通鑑

秋九月廣陽王深趨定州刺史楊津謀誅之至博

陵爲葛榮所殺

葛榮得杜洛周之衆北趨營州廣陽王深引兵  
躡之聞章武王融敗死屯軍不進會有譖深於  
太后者深懼引軍還趨定州聞刺史楊津疑其  
有異志止於州南佛寺經二日召都督毛謐等  
數人交臂爲約謐亦疑之密告津以深謀不軌  
遂遣謐討深深走出謐逐至博陵逢葛榮遊騎



執而殺之

通鑑參元深傳

丁未孝昌三年分定相二州四郡置殷州

以北道行臺博陵崔楷爲刺史尋爲葛榮所破

殺楷

通鑑

戊申肅宗武泰元年杜洛周陷定州執刺史楊津

楊津守定州居鮮于修禮杜洛周之間迭來攻

圍津使人潛說賊黨賊黨遺津書曰所以圍城

正爲取北人耳城中北人宜盡殺之不然必爲

患津悉收北人於城中而不殺衆感其仁及葛

榮統衆使人說津津斬其使固守三年杜洛周



圍之魏不能救長史李裔引賊入執津

綱目參  
魏書肅

宗紀

戊申敬宗永安元年爾朱榮擒葛榮於相州定州平

是年二月肅宗崩敬宗立改武泰爲建義元年

九月以平葛榮改元永安先是葛榮圍鄴衆號

百萬爾朱榮自率精騎七千討榮於滏口以奇

兵破擒之餘衆悉降於是定及冀滄瀛殷五州

皆平有宇文肱者前從鮮于修禮攻定州戰死

於唐河其子泰在修禮軍中修禮死從葛榮葛

榮敗爾朱榮愛之以爲統軍

通鑑參魏  
書敬宗紀



冬十月以魏蘭根爲河北行臺定州率

莊帝之將誅爾朱榮也蘭根聞之密告爾朱世

隆榮死蘭根恐莊帝知憂懼不知所出時應詔

王道習見信於莊帝蘭根託求在外立功道習

爲聞乃以蘭根爲河北行臺定州率並節度殷

相二州

齊書魏  
蘭根傳

十有二月以賀拔勝鎮中山

葛榮餘黨韓樓復據幽州反北邊被其患爾朱

榮以賀拔勝鎮中山樓畏勝不敢南出

綱目

庚戌永安三年魏蘭根邀擊侯淵敗績



范陽太守盧文偉誘平州刺史侯淵出獵閉門

拒之淵屯於郡南爲爾朱榮居哀勒兵南向進

至中山行臺僕射魏蘭根邀擊之爲淵所敗

通鑑

辛亥前廢帝普泰元年侯淵斬劉靈助於固城

固城在中山城

東北安國

城西南

二月魏使侯淵及叱列延慶討劉靈助至固城

淵畏其衆延慶曰靈助妖術惑衆彼皆恃其符

厭必不肯致死於吾兵不如詐言西歸待其寬

縱然後潛軍擊之必成擒矣淵從之出頓城西

聲言欲還夜簡精騎一千直抵靈助壘靈助戰



敗斬之傳首洛陽初靈助起兵自占勝負曰三  
月之末我必入定州爾朱氏不久當滅及靈助  
首函入定州果以是月之末

通鑑參魏書前廢  
帝紀並詳鑒戒考

辨

燕州刺史堯雄據定州

雄隨爾朱光敗於廣阿遂率所部據定州以歸

高歡雄從兄傑時爲滄州刺史亦遣使降於歡

齊書堯  
雄傳

冬十有一月以定州刺史薛曇尙爲北道行臺

罷蘭根行臺以曇尙兼尙書代之

通鑑



壬子後廢帝永熙元年以高歡爲大丞相世襲定州刺

史

孝武既卽位拜高歡爲大丞相天柱大將軍太

師世襲定州刺史增封并前十五萬戶歡辭天

柱號減戶五萬

齊書神武紀參通鑑

丙辰東魏孝靜帝天平三年司馬子如斬定州深澤令

時子如爲北道行臺巡檢諸州守令以下委其

黜陟至定州斬深澤縣令

齊書司馬子如傳

陽平民作亂破定州博陵郡冀州刺史封隆之擒

其渠送晉陽



陽平民路紹遵聚衆反自號行臺破定州博陵

郡虜太守高永樂南侵冀州封隆之令所部高

景等擊破之擒紹遵

齊書封隆之傳

甲子孝靜帝武定二年大丞相高歡巡行定州

二月癸巳東魏丞相歡巡行定冀二州因朝京

師以冬春亢旱請蠲懸責賑窮乏宥死罪又請

授老人版職各有差

通鑑參齊書神武紀

戊寅齊顯祖天保九年免定州租賦

詔定及趙燕瀛南營五州及司州廣平清河二

郡以去年蝨澇損田兼春夏少雨苗稼薄者免



今年租賦

齊書文甯紀

庚辰廢帝乾明元年遣使贍恤定州

因蝨水傷稼遣使分塗贍恤河南定冀趙瀛滄

南膠光青九州

齊書廢帝紀

戊子後主天統四年放中山宮人

詔掖庭晉陽中山宮人等仰所司簡放

齊書後主紀參

通鑑

己丑天統五年殺定州刺史博陵王濟

博陵王濟世祖之母弟也爲定州刺史嘗語人

曰計次第亦應到我後主聞之因使人就州殺



之葬贈加禮子智襲爵

齊書文簡王傳參通鑑

壬辰後主武平三年遣獨孤永業誅幽州行臺斛律羨

斛律光既誅敕使中領軍賀拔伏恩等捕羨令

鮮于桃枝獨孤永業便發定州騎卒續進仍以

永業代羨伏恩等既至羨出見伏恩把手執而

殺之死於長史廳事

齊書斛律羨傳

丁酉幼主承光元年定州刺史高紹義與周師戰於馬

邑敗奔突厥

後主奔鄴以紹義爲定州刺史周主克并州以

齊降將封輔相爲北朔州總管前長史趙穆等



謀執輔相迎任城王湝於瀛州不果乃迎紹義  
義至馬邑肆州以北二百八十餘城皆應之義  
與袁洪猛引兵南出欲取并州至新興而肆州  
已爲周守前隊二儀同以所部降周周兵擊顯  
州又攻拔諸城義還保北朔周將宇文神舉軍  
逼馬邑義戰敗遂奔突厥猶有衆三千焉

通鑑  
參齊

書紹  
義傳

後周高祖建德六年置總管府

周建德六年卽齊幼主承光元年也二月平齊  
凡得州五十郡一百六十二乃於河陽幽青南



充豫徐北朔定各置總管府

通鑑參周書武帝紀

春二月以柱國隋公楊堅爲定州總管

堅旣從武帝平齊進位柱國因除定州總管先

是州城西門久閉不開齊文宣帝時或請開以

便行路帝不許曰當有聖人來啟之及堅至而

開人莫不驚異咸以爲受命之兆

周書武帝紀參隋書高祖

紀

戊戌高祖宣政元年分定州常山郡置恒州

正月帝行幸鄴宮分定州常山郡置恒州其餘

州郡各有分置

周書高祖紀



庚子宣帝大象二年幸中山祈雨

夏四月詔以自春及夏甘澤未逢懼虧南畝之

業壬午乃幸中山祈雨至咸陽宮大雨遂降

周書

靜帝

紀

辛丑隋文帝開皇元年以竇毅爲定州總管

三月以上柱國神武郡公竇毅爲定州總管累

居藩鎮咸得民和二年薨於周

周書竇毅傳

丁卯煬帝大業三年改定州爲博陵郡

舊置定州開皇間因之至是帝改州爲郡遂以

定州爲博陵

隋書參



夏六月以邛和爲博陵太守

詳鑑  
戒

秋八月帝親祠恒岳

八月辛酉上祠恒岳赦天下河北道郡守畢集

裴矩所致西域十餘國皆來助祭

通鑑

癸酉大業九年帝幸博陵

閏八月幸博陵謂侍臣曰朕昔從先朝周旋於

此年甫八歲日月不居倏經三紀追惟平昔不

可復希言未卒流涕嗚咽侍衛者皆泣下沾襟

冬十月改博陵爲高陽郡赦死罪已下給復一年

詔曰博陵昔爲定州地居衝要先皇厯試所基



王化斯遠故以道冠幽風義高姚邑朕撫巡氓  
庶爰屆茲邦瞻望郊廛緬懷敬止思所以宣播  
德澤覃被下人崇紀顯號式光令緒可改博陵  
爲高陽郡赦境內死罪已下給復一年於是召

高祖時故吏皆量材授職

以上隋書  
煬帝紀

十有二月高陽郡唐縣妖人謀作亂事泄伏誅

唐縣人宋子賢善幻術能變佛形自稱彌勒出  
世遠近信惑遂謀因無遮大會舉兵襲乘輿事

泄伏誅并誅黨與千餘家

通鑑

乙大業十有一年賊破高陽郡



三月上谷賊帥王須拔自稱漫天王國號燕聚

衆十餘萬北連突厥南寇燕趙十一月乙卯破

高陽郡

煬帝紀  
參通鑑

丙子大業十有二年賊寇高陽

八月賊帥趙萬海統衆數十萬自恒山來寇高

陽

煬帝紀

戊寅隋恭帝皇泰元年竇建德取定州

初王須拔掠幽州中流矢死其將魏刀兒代領

其衆據深澤掠冀定衆至十萬建德襲擊斬之

并其衆易定亦降

綱目



其其泉長家承嗣

目

其泉親親對其真家泉至十萬數蔚襲準傳之

師王能外就幽州中流決其其親襲氏良分爵

寬

前恭帝皇泰元年寶義尉趙寶勝

魏

魏

八民趙暢飲萬新錄泉樓十萬自野山來錄高

百

大梁十百二半趙家高

高趙

家

泉十翁萬止趙吳趙南家燕趙十一民丁映輝

三民土谷趙怡王能外自師鄭天王國錄燕泉



直隸定州志卷之四

歷紀

歷代事蹟

辛巳 唐高祖武德四年秋七月置定州總管府

武德初諸道有事則置行臺尙書省無事則罷之朝廷聞竇建德故將劉黑闥作亂襲漳南縣據之乃於定冀魏滄等州各置總管府

八月詔定州總管李元通擊劉黑闥

劉黑闥陷鄒縣魏州刺史權威貝州刺史戴元祥皆敗死黑闥悉收其眾竇建德餘黨亦稍稍



出歸之乃爲壇於漳南祭建德告以舉兵之意  
自稱大將軍詔發關中步騎三千使將軍秦武  
通定州總管李元通擊之

以上  
通鑑

冬十有一月劉黑闥陷定州總管李元通死之

劉黑闥攻陷厯亭殺守將王行敏饒陽賊崔元  
遜陷深州殺刺史裴晞以應之兗州賊徐元朗  
亦相連和遂取瀛州進陷定州執總管李元通  
黑闥愛其才欲以爲大將元通不可故吏有以  
酒肉饋之者元通飲醉謂守者曰吾能劍舞願  
假吾刀守者與之元通舞竟太息曰大丈夫受



國厚恩鎮撫方面不能保全所守亦何面目視

息世間哉引刀自刺而死

唐書劉黑闥傳參通鑑

高開道與突厥寇定州

幽州饑李藝告糴於高開道開道佯許之藝發民三千人車數百乘驢馬千匹往受粟開道悉留之告絕於藝自稱燕王北連突厥南與劉黑闥相結恒定幽易咸被其患

綱目

壬午武德五年李藝敗劉黑闥復定州

二月燕郡王李藝取劉黑闥定樂廉趙四州獲

偽尚書劉希道引兵與秦王世民會洺州

通鑑



夏六月劉黑闥引突厥寇定州

六月劉黑闥引突厥寇山東詔燕郡王李藝擊

之丁卯由山東進寇定州州將曹該董康買先

逃鮮虞聚兵應之遂以定州叛

新唐書本傳參通鑑

秋九月定州總管雙士洛擊突厥於恒山之陽

九月宇文歆邀突厥於崇崗鎮大破之斬首千

餘級壬寅士洛與驃騎將軍魏道仁復擊之至

於恒山之陽

新唐書本紀參通鑑

冬十有二月幽州大總管李藝復定州

董該既以定州叛附於黑闥及齊王元吉破劉



十善於魏州李藝遂復廉定二州

新唐書高祖本紀參通鑑

癸未武德六年突厥寇定州州兵擊走之

通鑑

乙酉武德八年突厥寇定州

六月突厥寇定州命皇太子往幽州秦王往并

州以備突厥

舊唐書高祖紀

丁亥太宗貞觀元年以定州屬河北道

初隋末喪亂豪傑並起擁眾據地自相雄長唐

興相帥來歸上皇爲之割置州縣以寵祿之由

是州縣之數倍於開皇大業間太宗以民少吏

多思革其弊命大加并省因山川形便分爲十



道其四曰河北道領懷孟魏博相衛澶貝邢洛  
磁恒冀深趙滄景德易定幽涿瀛鄭燕檀營平

二十八州

通鑑參  
胡氏註

乙巳貞觀十九年詔皇太子監國於定州

帝將伐高麗詔朕發定州後宜令皇太子於定  
州監國開府儀同三司致仕尉遲敬德上言陛  
下親征遼東太子在定州長安洛陽心腹空虛  
恐有元感之變且邊隅小夷不足以勤萬乘願  
遣偏師征之指期可殄上不從以敬德爲左一

馬軍總管使從行

通鑑參新唐  
書太宗紀



三月丁丑車駕至定州

既命皇太子監國留居定州以太傅高士廉詹  
事張行成庶子高季輔及侍中劉洎中書令馬  
周同掌機務輔之將行太子悲泣數日上曰爲  
國之要在於進賢退不肖賞善罰惡至公無私  
汝當努力行此悲泣何爲

綱目

壬辰車駕發定州

上親佩弓矢手結雨衣於鞍後命長孫無忌攝  
侍中楊師道攝中書令李世勣軍發柳城多張  
形勢若出懷遠鎮者滔師北趣甬道出高麗不



意

冬十有一月車駕還定州

上自遼東歸至營州皇太子自定出迎上聞之  
從飛騎三千人馳入臨榆關道逢太子上之發  
定州也指所御褐袍謂太子曰俟見汝乃易此  
袍耳在遼左雖盛暑流汗弗之易及秋穿敗左  
右請易之上曰軍士多衣敝吾獨御新衣可乎  
至是太子進新衣乃易之丙戌次於定州壬辰  
發定州

已高宗調露元年突厥寇定州

事詳名宦  
李元執註



舊志載神龍元年封崔元暉為博陵王攷唐書本傳元暉以誅二張功封博陵郡公俄拜博陵郡王罷政事復檢校益州大都督府長史知都督事會貶流古州道病卒據此則元暉並未就國且無定州事蹟從刪

癸未 高宗宏道元年突厥寇定州刺史霍王元軌擊走

之

巳丑 中宗嗣聖六年偽周永昌二年獲徐敬真於定州

徐敬業之殉國也弟敬真流繡州逃歸將奔突

厥過洛陽洛州司馬弓嗣業洛陽令張嗣明資

遣之至定州為吏所獲嗣業縊死

以上參通鑑

戊戌 嗣聖十五年偽周聖歷元年突厥寇定州殺刺史孫彥高



八月默啜寇飛狐陷定州殺刺史及吏民數千人

壬寅 嗣聖十九年偽周長安二年 詔薛季昶節度定州等六州

諸軍事

三月突厥寇并州以雍州長史薛季昶攝右臺

大夫充山東防禦軍大使定滄瀛幽易恒等州

諸軍皆受季昶節度以上通鑑

壬子 元宗先天元年詔定恒二州境置恒陽軍

恒陽軍在恒州城東杜氏通典

甲寅 元宗開元二年定州刺史崔宣道隨薛訥等擊契

丹



初營州都督治柳城以鎮奚契丹武后之世契  
丹攻陷之并州長史薛訥請復置營州以討契  
丹上從之秋七月薛訥與左監門衛將軍杜賓  
客定州刺史崔宣道等將兵六萬出檀州擊契  
丹行至灤水山峽中契丹伏兵遮其前後從山  
上擊之唐兵大敗訥與數十騎突圍得免宣道  
聞訥敗亦走訥歸罪於宣道及胡將等八人制

悉斬之於幽州

通鑑

乙丑 開元十三年以裴耀卿爲定州刺史

詳名宦

丙寅 開元十四年定州置北平軍以備突厥



定恒莫易滄五州置軍以備突厥定州爲北平

軍以恒陽軍屬恒州

通鑑參胡氏註

壬申開元二十年以幽州節度使兼領定州

十二月以幽州節度使兼河北采訪處置使增

領衛相洛貝冀魏深趙恒定邢德博棣營鄭十

六州及安東都護府

通鑑

壬午元宗天寶元年以范陽節度統北平軍屯定州

是時天下聲教所被之州三百二十一羈縻之

州八百置十節度經畧使以備邊以范陽節度

臨制奚契丹統經畧威武清夷靜塞恒陽北平



高陽唐興橫海九軍屯幽薊嬀檀易恒定漠滄

九州之境治幽州兵九萬一千四百人北平軍

在定州城西兵六千人

通鑑參胡氏註

改定州爲博陵郡

二月詔東都北都皆爲京州改爲郡刺史改爲

太守以定州爲博陵郡

舊唐書明皇紀參地理志

乙未天寶十四載安祿山叛甲戌殺太原尹楊光翽於

博陵郡

十一月甲子祿山發所部兵及同羅奚契丹室

韋凡十五萬眾號二十萬反於范陽甲戌至博



陵南何千年等執楊光翽見祿山祿山責光翽

以附楊國忠斬之以徇

舊唐書明皇紀參通鑑

賊以張獻誠攝博陵太守

時祿山使其將安忠志將精兵軍土門又以張獻誠守博陵獻誠守珪之子也

十有二月賊使張獻誠將博陵等五郡兵圍饒陽饒陽太守盧全誠據城不受代祿山使張獻誠將博陵上谷常山趙郡文安五郡團結兵萬人圍之

常山太守顏杲卿起兵討賊河北博陵諸郡皆應



之

顏杲卿將起兵會弟真卿自平原遣其甥盧逖  
潛告杲卿欲連兵斷祿山歸路以緩其西入之  
謀杲卿因以祿山命召李欽湊帥眾受犒醉而  
斬之盡誅其黨悉散井陘之眾賊將高邈何千  
年適至皆擒之張獻誠聞之棄饒陽遁去杲卿  
命崔安石等徇諸郡云大軍已下井陘朝夕當  
至先平河北諸郡先下者賞後至者誅於是河  
北博陵諸郡皆響應歸朝廷者凡十七郡其附  
賊者惟范陽盧龍密雲漁陽汲鄴六郡而已



賊將史思明李立節帥師擊博陵

顏杲卿密使人入范陽招賈循邾城人馬燧說

循曰祿山雖得洛陽終歸夷滅公若誅諸將之

不從命者以范陽歸國此不世之功也循然之

別將牛潤容以告祿山祿山使韓朝陽召循縊

殺之以別將牛廷玠知范陽軍事史思明李立

節將番漢步騎萬人擊博陵常山馬燧亡入西

山隱者徐遇匿之得免

以上通鑑

丙申

天寶十五載

是年七月太子卽位始改元至德元載

賊將史思明等

復陷博陵及河北諸郡



史思明李立節蔡希德既克常山引兵擊諸郡之不從者所過殘滅於是鄴廣平鉅鹿趙上谷

博陵文安魏信都等郡復爲賊守

通鑑參新唐書明皇紀

夏四月賊將史思明自趙郡犯博陵

四月甲午郭子儀李光弼與史思明等戰於九

門思明大敗收餘眾奔趙郡蔡希德奔鉅鹿思

明白趙郡如博陵時博陵已降官軍思明盡殺

郡官

通鑑參新唐書史思明傳

李光弼圍博陵不下就食於恒陽

河朔之民苦賊殘暴所至屯結多至二萬人者



各爲營以拒賊及郭李軍至爭出自效庚子攻  
趙郡一日城降士卒多虜掠光弼坐城門收所  
獲悉歸之民悅子儀生擒四千人皆捨之斬僞  
太守郭獻璆光弼進圍博陵十日不拔引兵還  
恒陽就食

五月郭子儀敗賊於沙河

郭子儀李光弼還常山史思明收散卒數萬踵  
其後子儀選驍騎更挑戰三日至行唐賊疲乃  
退子儀乘之又敗於新樂之沙河

以上  
通鑑

郭子儀李光弼與賊將史思明戰於嘉山大破之



思明奔博陵

子儀至恒陽思明隨至子儀深溝高壘以待之  
賊來則守去則追之晝則耀兵夜斫其營賊不  
得休息數日子儀光弼議曰賊倦矣可以出戰  
壬午戰於嘉山大破之斬首四萬級捕虜千餘  
人思明墜馬露髻跣足步走至暮杖折槍歸營  
奔於博陵光弼就圍之於是河北十餘郡皆殺  
賊守將歸降通鑑參新唐書祿山傳  
肅宗至德元載即天寶十五載也賊將史思明南攻九門  
大敗還奔博陵



史思明蔡希德將兵萬人南攻九門旬日九門  
僞降伏甲於城上思明登城伏兵攻之思明墜  
城鹿角傷其左脅乃夜奔博陵

冬十月賊將史思明置防兵鎮河北諸郡自守博  
陵

初祿山以卒三千人授思明使定河北至是河  
北諸郡皆下之郡置防兵三千雜以胡兵鎮之

思明還據博陵

以上  
通鑑

丁酉至德二載賊將史思明自博陵西寇太原

正月史思明與蔡希德高秀巖牛廷玠共引兵



十萬進圍太原月餘不下光弼遣人詐與賊約

刻日出降賊喜不爲備官軍鼓譟乘之俘斬萬

計通鑑參新唐書史思明傳

戊肅宗乾元元年改博陵郡復爲定州舊唐書地理志

壬肅宗寶應元年賊將張忠志以定州等五州降

河東節度使辛雲京引兵將出井陘常山禪將

王武俊說忠志曰今河東兵精銳出境遠鬪不

可敵也且吾以寡當眾以曲遇直戰則必離守

則必潰公其圖之忠志乃以定恒易趙深五州

降於辛雲京



以張忠志爲定恒趙易深五州節度使賜姓名李

寶臣

寶臣旣爲節度以王武俊之策爲善擢爲先鋒

兵馬使武俊本契丹也初名沒諾干

癸卯

代宗廣德元年以成德軍管定州等五州

夏四月丁卯制分河北諸州以幽莫媯檀平薊

爲幽州管定恒趙深易爲成德軍管相貝邢洺

爲相州管魏博德爲魏州管滄棣冀瀛爲青淄

管懷衛河陽爲澤潞管

丁巳代宗大厯十二年成德軍節度使李寶臣據定恒



等七州不用法令

李靈曜之亂也李正己會諸道合兵攻之所得之地各爲己有於是李寶臣據定恒趙深易冀滄七州與李正己田承嗣梁崇義各擁兵數萬相與根據蟠結雖奉事朝廷而不用法令官爵甲兵租賦刑殺皆自專之

辛酉德宗建中二年李寶臣卒子惟岳自爲留後

寶臣欲以軍府傳其子惟岳以其年少闇弱豫誅諸將之難制者十餘人惟易州刺史張孝忠兵馬使王武俊得全及死孔目官胡震家僮王



宅奴勸惟岳匿喪二十餘日詐爲寶臣表求令  
惟岳繼襲上不許遣給事中汲人班宏往問寶  
臣疾且諭之惟岳厚賂宏宏不受還報惟岳乃  
發喪自爲留後使將佐共奏求旌節上又不許  
秋九月以張孝忠爲成德軍節度使

李寶臣子惟岳旣拒命范陽節度使朱滔將討  
惟岳軍於莫州張孝忠將精兵八千守易州滔  
遣判官蔡雄說孝忠曰惟岳乳臭兒敢拒朝命  
今昭義河東軍已破田悅淮甯李僕射克襄陽  
計河南諸軍朝夕北向恒魏之亡可立而須也



使君誠能首舉易州以歸朝廷則破惟岳之功

自使君始此轉禍爲福之策也孝忠然之遣牙

將程華詣滔遣錄事參軍董稹奉表詣闕滔又

上表薦之上悅九月辛酉以孝忠爲成德軍節

度使命惟岳護喪歸朝惟岳不從

以上通鑑

新唐書德宗紀建中二年張孝忠以易定二州降又李惟岳傳張孝忠以易州歸天子按資治通鑑以孝忠爲成德軍節度命惟岳歸朝惟岳不從是定州尙爲惟岳所據孝忠安得以之歸天子耶故弗取

王建中三年於定州置義武軍以張孝忠爲定滄易

等州節度使



正月李惟岳遣兵與孟祐守束鹿朱滔張孝忠

攻拔之進圍深州惟岳復發成德兵萬人與孟

祐俱圍束鹿朱滔張孝忠與戰於城下惟岳大

敗燒營而遁朱滔欲乘勝攻恒州張孝忠引軍

西北壁於義豐將佐皆怪之孝忠曰恒州宿將

尙多未易可輕吾軍義豐坐待惟岳之殄滅耳

滔亦止屯束鹿月餘王武俊果斬惟岳以獻已

而惟岳所署定州刺史楊政義以州降孝忠遂

有易定時三分成德地詔定州置軍名義武以

孝忠爲節度定易滄觀察使

通鑑參新唐書張孝忠傳



夏四月遣義武軍節度使張孝忠帥定易兵及朱

滔王武俊討田悅

詔孝忠滔武俊詣魏州討田悅武俊不受詔滔

謀趨魏州擊馬燧以叛康日知聞其謀告馬燧

燧以聞乃賜滔爵通義郡王冀以安之滔反謀

益甚遣牙官蔡雄往說張孝忠孝忠拒之雄復

欲以巧辭說孝忠怒欲執送京師雄懼逃歸

通鑑

參新唐書張孝忠傳並詳名宦

癸亥建中四年朱滔叛攻定州詔李晟竇文場救之

朱滔與王武俊叛張孝忠以易定介二鎮間乃



浚溝壘修器械感厲將士乘城固守滔悉兵攻之帝詔李晟竇文場率師援孝忠滔解去遂得

會其軍

張孝忠傳

夏五月李晟張昇雲與朱滔戰於清苑敗績李晟退保定州

神策行營招討使李晟謀取涿莫二州會張孝忠之子昇雲及朱滔戰於清苑李晟軍大敗退保易州張昇雲奔滿城會晟病甚引軍退保定

州

通鑑

己巳德宗貞元五年易定節度使張孝忠興兵襲蔚州



詔責之孝忠還鎮

冬十月張孝忠爲將佐所惑興兵襲蔚州入之

驅掠人畜詔書責之踰旬還鎮有司劾擅興兵

削司空明年還其官

通鑑參新唐書張孝忠傳

辛未貞元七年二月癸未易定節度使張孝忠薨

卒年六十二追封上谷郡王贈太師謚曰貞武

新唐書

本傳

秋七月戊寅以定州刺史張昇雲爲義武留後

孝忠卒帝拜邕王諒爲義武節度大使以昇雲

爲留後封延德郡王後二年爲節度使賜名茂



昭新唐書  
本傳

癸酉貞元九年夏四月王武俊攻定州

海州團練使張昇璘昇雲之弟李納之婿也以  
父喪大祥歸定州常於公座罵王武俊武俊奏  
之詔削其官遣中使杖而囚之定州富庶武俊  
常欲之因是遣兵襲取義豐掠安喜無極萬餘  
口徙之德棣昇雲閉城自守屢遣使謝之乃止

通鑑參新唐  
書張茂昭傳

己卯貞元十五年詔定州會諸軍討吳少誠

三月彰義軍節度使吳少誠反陷唐州九月進



寇許州詔削吳少誠宮令定州及諸道合兵討

之新唐書德宗紀參通鑑

庚辰貞元十六年易定兵及吳少誠戰敗績

諸軍之討吳少誠也皆無統帥每出兵人自規利進退不壹至是復發易定恒冀陳許河陽四

軍與吳少誠戰皆不利而退通鑑參新唐書德宗紀

甲申貞元二十年易定節度使張茂昭入朝

張茂昭朝京師與帝從容言河朔事帝竦聽曰恨見卿晚召宴麟德殿賜良馬甲第器幣優具詔其子克禮尚晉康郡主帝方倚之經置北方



會帝崩故茂昭每入臨輒哀不自勝順宗立進

同中書門下平章事復遣之鎮

新唐書本傳

丙戌憲宗元和元年冬十月易定節度使張茂昭入朝

張茂昭請朝五奏乃聽願留不許加兼太子太

保使還鎮

通鑑參新唐書本傳。攷本傳請朝事在二年與通鑑未合

庚寅元和五年詔河東河中振武義武四軍爲恒州北

道招討會於定州

王承宗之叛也制削奪官爵命諸道合兵討之

諸軍皆未進幽州節度使劉濟獨前奮擊拔饒

陽束鹿又命河東河中振武義武四軍爲恒州



北道招討會於定州會望夜軍吏以有外軍請  
罷張燈張茂昭曰三鎮官軍也何謂外軍命張  
燈不禁行人不閉里門三夜如平日無一敢喧  
譁者

通鑑

夏四月義武軍節度使張茂昭及王承宗戰於木  
刀溝敗之

酈定進旣死王承宗以騎二萬踰木刀溝與王  
師薄戰茂昭躬擐甲爲前鋒令其子克讓從子  
克儉與諸軍分左右翼繞賊大敗之承宗幾危  
會有詔班師加檢校太尉兼太子太傅

新唐書  
本傳



秋九月義武軍節度使張茂昭以易定二州歸於

有司

茂昭請除代人欲舉族入朝河北諸鎮互遣人  
說止之茂昭不從凡四上表上乃許之以左庶  
子任廸簡爲義武行軍司馬茂昭悉以易定二  
州簿書管鑰授廸簡遣其妻子先行曰吾不欲  
子孫染於汚俗茂昭旣去虞侯楊伯玉作亂囚  
廸簡義武將士共殺伯玉兵馬使張佐元又作  
亂囚廸簡廸簡乞歸朝旣而將士復殺佐元奉  
廸簡主軍務時易定府庫罄竭閭閻亦空廸簡



無以犒士乃設糲飯與士卒共食之身居戟門  
下經月將士感之共請廸簡還寢然後得安其  
位上命以綾絹十萬匹賜易定將士壬辰以廸  
簡爲義武節度使甲午以張茂昭爲河中慈隰  
晉絳節度從行將校皆拜官

通鑑參新  
唐書本傳

乙未元和十年十二月定州及幽滄三鎮上表請討王

承宗

王承宗縱兵四掠定幽滄三鎮皆苦之爭上表  
請討王承宗上欲許之中書侍郎同平章事張  
宏靖以爲兩役並興恐國力不支請并力平淮



西乃征恒冀上不爲之止宏靖乃求罷

丙元申和十有一年春正月命義武等軍討王承宗

正月癸未命義武橫海河東幽州魏博昭儀六道進討王承宗韋貫之屢請先討吳元濟後討

承宗曰陛下不見建中之事乎始於討魏及齊

而蔡燕趙皆應卒致朱泚之亂由德宗不能忍

數年之憤悵欲大平之功速成故也上不聽

冬十有二月義武節度使渾鎬擊王承宗敗績奔

還定州

渾鎬與王承宗戰屢勝遂引全師壓其境承宗



懼遣兵潛入鎬境焚掠城邑人心方內顧而搖

會中使督戰鎬引兵進薄恒州與承宗戰大敗

奔還定州

以上通鑑

丙午詔以易州刺史陳楚爲義武軍節度使

渾鎬之敗定州亂詔以陳楚代渾鎬爲節度軍

中聞之掠鎬及家人衣至於僂露陳楚馳入定

州鎮遏亂者斂軍中衣歸鎬以兵衛送還朝楚

定州人張茂昭之甥也

通鑑參新唐書本傳

辛丑穆宗長慶元年秋七月詔義武諸軍討王庭湊

王庭湊遣其將王立攻深州不克詔義武魏博



橫海昭義河東諸軍各出兵臨成德之境討之

通鑑

冬十有一月朱克融寇定州義武軍節度使陳楚

敗之

初幽州盧龍軍都知兵馬使朱克融囚其節度

張宏靖以叛八月陷莫州十月爲易州刺史柳

公濟所敗至是復寇定州楚敗之於望都又敗

之於北平斬獲萬餘人

新唐書穆宗紀參通鑑

壬寅長慶二年六月以易州刺史柳公濟爲定州刺史

義武軍節度使

舊唐書穆宗紀



戊申文宗太和二年義武節度使柳公濟及王庭湊戰

於新樂敗之

八月己巳王庭湊反壬申公濟及庭湊戰於新樂敗之九月丁卯又敗之於博野

己酉太和三年以都知兵馬使張璠爲義武軍節度使

詔以太原兵馬使傅毅爲義武節度使義武軍不受命都知兵馬使張璠自稱節度遂以璠爲

之  
以上新唐書文宗紀

戊午文宗開成三年義武軍節度使張璠薨

張璠在鎮十五年爲幽鎮所憚及有疾請入朝



朝廷未及制置疾甚戒其子元益舉族歸朝母得效河北故事旣薨軍中欲立元益觀察留後李士季不可眾殺之又殺大將十餘人

冬十月易定監軍奏請以張元益爲留後

張璠卒詔以易州刺史李仲遷爲義武節度義武馬軍都虞侯何清朝自拔歸朝十月易定監軍奏軍中不納李仲遷請以元益爲留後宰相議發兵討易定除張元益爲代州刺史頃之軍中果有異議乃上表以不便李仲遷爲辭朝廷

爲之罷仲遷



十一月張元益出定州

詔俟元益出定州其義武將士始謀立元益者

皆赦不問元益乃得出

以上通鑑

甲戌以蔡州刺史韓威爲義武節度使

張元益旣出定州乃除韓威

通鑑胡氏註

庚申開成五年秋八月義武軍亂逐節度使陳君賞

陳君賞募勇士數百人復入軍城逐亂者

甲子武宗會昌四年詔以易定千騎討楊弁

初楊弁帥其眾剽掠城市據軍府使其姪詣劉  
稹約爲兄弟石會關守將楊珍亦以關降稹李



德裕奏稹與楊弁通奸乞召旁近之兵討除之  
辛卯詔王逢悉留太原兵守榆社以易定千騎  
宣武充海步兵三千討弁

乙丑會昌五年春正月以秘書監盧宏宣爲義武軍節  
度使

宏宣性寬厚而難犯爲政簡易其下便之河北  
之法軍中偶語者斬宏宣悉除之詔賜粟三十  
萬斛在飛狐西計運致之費踰於粟價會春旱  
宏宣命軍民隨意自往取之粟皆入境時成德

魏博皆饑獨易定無害

以上通鑑



己亥僖宗乾符六年詔以王處存爲義武軍節度使

處存京兆萬年人世籍神策軍自右軍鎮使歷

檢校刑部尙書定州制置使至是爲義武軍節

度

新唐書本傳

庚子僖宗廣明元年義武軍節度使王處存舉兵入援

長安

時黃巢陷京師僖宗出幸興元處存不俟詔帥

本軍入援遣二千人間道詣興元衛車駕明年

論功拜東南面行營招討使

新舊唐書本傳參通鑑並詳名宦

乙巳僖宗光啟元年李可舉王鎔合兵攻定州李克用



遣兵救定州

盧龍節度使可舉成德節度使鎔惡李克用之  
疆而義武節度使王處存與克用親善又因河  
北諸鎮惟義武尙屬朝廷可舉等恐其窺伺山  
東終爲己患約其滅處存而分其地說雲中節  
度使赫連鐸使攻克用之背可舉遣其將李全  
忠將兵六萬攻易州鎔遣將將兵攻無極處存  
告急於克用克用遣其將康君立將兵救之  
李克用自將救定州擊可舉等大敗之

盧龍兵攻易州裨將劉仁恭穴地入城遂克之



仁恭深州人也克用自將救無極成德兵敗退

保新城克用復進擊大破之拔新城成德兵走

追至九門斬首萬餘級

以上通鑑

乙卯昭宗乾甯二年義武軍節度使王處存薨

卒年六十有五贈太子太師謚曰忠肅三軍迹

河朔舊事推子郃由副使爲留後昭宗從之

新唐

書本傳

庚申昭宗光化三年張存敬攻定州義武節度使王郃

遣兵拒之敗績郃奔晉陽

朱全忠將張存敬攻劉仁恭下二十城將自瓦



橋趣幽州道瀋不能進乃引兵西拔祁州殺刺史楊約遂攻定州郃遣後院都知兵馬使王處直將兵數萬拒之戰於沙河易定大敗死者過半餘眾擁處直還走郃遂出奔

通鑑

張存敬復圍定州王處直降朱全忠表以爲節度留後

王郃旣奔軍中推處直爲留後存敬進圍定州丙申朱全忠至城下處直登城呼曰本道事朝廷甚忠於公未嘗相犯何故見攻全忠曰何故附河東對曰吾兄與晉王同時立勲封疆密邇



且婚姻也修好往來乃常理耳請從此改圖全

忠許之處直以從孫爲質上所持節獻絹三十

萬具牛酒犒師全忠遂表處直爲節度留後

通鑑

參新唐書本傳

辛酉昭宗天復元年春三月義武節度使王處直會諸

道兵攻晉陽不克

全忠遣氏叔琮等與王處直進攻晉陽夏四月

抵晉陽城下城中大恐李克用登城備禦不遑

飲食時大雨積旬城多頽壞隨加完補河東將

李嗣昭李嗣源鑿暗門夜出攻汴壘屢有殺獲



李存進敗汴軍於洞渦時汴軍旣眾芻糧不給

久而士卒瘡利全忠乃召兵還

通鑑

丁卯哀宗天祐四年

後梁開平元年

封義武節度使王處直爲

北平王

處直之降也朱溫表爲節度使累封太原王及

受禪進封北平王

五代史記本傳

庚午

天祐七年義武節度使王處直與晉王趙王攻梁

梁主疑趙王鎔貳於晉乃遣杜廷隱丁廷徽監

魏博兵三千分屯冀深二州鎔懼遣使求援於

燕晉與處直共推晉王爲盟主合兵攻梁



義武節度使王處直遣將從晉王救趙

趙王鎔復告急於晉晉王以番漢副總管李存  
審守晉陽自將兵自贊皇東下王處直遣將將  
兵以從明年春大敗梁人於栢鄉

辛未天祐八年

梁主乾

化元年

王處直與諸鎮節度共推燕王

守光爲尙父

燕王劉守光使人諷鎮定求尊己爲尙父趙王  
鎔以告晉王晉王怒欲伐之諸將皆曰是爲惡  
極矣行當族滅不若陽爲推尊以稔之乃與義  
武王處直趙王王鎔昭義李嗣昭振武周德威



天德宋瑤六節度使其奉冊推守光爲尙書令  
尙父守光益驕以爲六鎮實畏己也

冬十有一月燕劉守光寇易定王處直告急於晉  
守光集將吏謀攻易定處直告難於晉守光將  
兵二萬寇易定攻容城處直又告急於晉

壬申天祐九年

梁乾化二年

春正月鎮定之兵從晉師伐幽

州

晉周德威東出飛狐與趙將王德明義武將程  
巖會於易水進攻燕祁溝關下之

癸酉天祐十年

梁乾化三年

十二月晉王至定州與王處直



謁北嶽廟

晉王欲自雲代歸趙王鎔及處直請由中山真  
定趨井陘王從之庚辰晉王發幽州劉仁恭父  
子皆荷校於露布之下守光父母唾其面而罵  
之曰逆賊破我家至此守光俛首而已甲申至  
定州舍於關城丙戌謁北嶽廟

甲戌

天祐十一年

梁乾化四年

義武節度使王處直與趙王

鎔推晉王爲尙書令

時有人說趙王鎔曰大王所稱尙書令乃梁官  
也大王旣與梁爲讐不當稱其官且自高祖來



無敢當其名者今晉王爲盟主勲高位卑不若  
以尙書令讓之鎔曰善乃與王處直各遣使推  
晉王爲尙書令晉王三讓然後受之以上通鑑

辛巳 天祐十八年

梁龍德元年

義武軍節度使王處直爲其

子都所囚都自爲留後

都爲人狡佞多謀處直以爲節度副使及張文  
禮殺王鎔晉師討之處直與左右謀曰鎮定之  
蔽也鎮亡定不能獨存乃潛使其子郁賂契丹  
令犯塞以救鎮且許召郁爲嗣都聞之不悅定  
人皆言契丹不可召處直弗聽卒賂契丹阿保



機誘之入寇小吏和昭訓因定人皆不悅勸都  
舉事令處直與張文禮宴於城東暮歸都以新  
軍數百伏於府第大譟劫之曰將士不欲以城  
召契丹請令公歸西第乃并其妻妾幽之盡殺  
處直子孫在中山及將佐之爲處直腹心者都  
自爲留後具以狀白晉晉王因以都代處直  
史本傳參契丹國志  
及通鑑並詳監戒  
冬十有二月契丹進攻定州

契丹旣許趙人盧文進出兵王郁又說之曰鎮  
州美女如雲金帛如山天皇王速往則皆已有



也不然爲晉王所有矣契丹以爲然悉發所有之眾而南十二月辛未攻幽州李紹宏嬰城自守契丹進圍涿州旬日拔之擒刺史李思弼遂進攻定州王都告急於晉晉王自鎮州將親軍五千救之遣神武都指揮使王思同將兵戍狼山之南以拒契丹

通鑑

壬午天祐十九年

梁龍德二年

春正月王都殺義武節度使

王處直

正月朔旦王都省處直於西宅處直奮拳搥其胸而呼曰逆賊吾何負爾時左右無兵遂欲嚙



其鼻都掣袖而走處直遂見殺初有黃蛇見於  
牌樓處直以爲龍藏而祠之又有野鵲數百巢  
麥田中處直以爲己德所致而定人皆知其不  
祥後果被幽死

新五代史本傳參  
通鑑並詳監戒

晉王擊契丹於沙河大敗之又敗之於望都  
晉王自鎮州率騎五千來救定州甲午至於新  
城契丹前鋒至新樂涉沙河而南晉人皆不欲  
戰王不從契丹萬餘騎遽見晉軍惶駭而退晉  
王分軍爲二廣追躡數十里獲契丹主之子會  
沙河水薄橋狹敵爭踐而過陷溺死者甚眾時



契丹主車帳在定州城下聞前軍敗退保望都

晉王至定州王都迎謁是夜宿於開元寺翼日

引軍趨望都爲契丹所圍力戰不解李嗣源引

三千騎橫擊之晉王乃得出縱兵奮擊敵眾大

潰俘斬數千追擊至易州獲氍毹幕羊馬不

可勝紀

舊五代史莊宗紀參契丹國志及通鑑

癸未後唐莊宗同光元年閏四月定州節度使王都加

檢校侍中

舊五代史唐莊宗紀

契丹寇定州

閏四月庚辰契丹將堯骨抵鎮州壬午攻拔曲



陽遂下北平五月戊午引師還

遼史太。按舊祖紀五代

史及通鑑俱作甲午與遼史壬午不合存參

冬十有二月詔取舊律令於定州

御史臺奏朱溫篡逆刪改本朝律令格式悉收

舊本焚之今臺司及刑部大理寺所用皆僞廷

之法聞定州敕庫獨有本朝律令格式具在乞

下本道錄進從之

通鑑參舊五代史唐莊宗紀

甲申同光二年冬十月契丹寇易定北鄙

舊五代史唐莊宗紀

乙酉同光三年定州節度使王都朝於鄴都

正月庚子莊宗幸鄴毀卽位壇爲鞠場二月丙



寅都朝於鄴丁卯畋於近郊己巳召從臣擊毬  
於鞠場留宴旬日賜與鉅萬帝以繼岌故待都  
甚厚所請無不從遷太尉侍中

新五代史莊宗  
紀參王都本傳

戊子明宗天成三年王都叛詔削其官爵命歸德軍節

度使王晏球合諸道討賊

帝以都之篡父位也常惡之都恐朝廷移之他  
鎮腹心和昭訓勸都爲自全之計乃求婚於盧  
龍節度趙德鈞且結成德節度王建立爲兄弟  
陰與之謀建立陽許而密奏之王都又遣人說

歸德節度王晏球晏球不從遂以反狀聞四月



庚子詔削奪王都官爵卽以晏球爲北面招討使權知定州行州事以橫海節度使安審通爲副招討使以鄭州防禦使張虔釗爲都監發諸道會兵討都拔北關城

通鑑參舊五代史唐明宗紀

夏五月契丹遣兵助賊王晏球逆戰於嘉山大破之

王都求援於契丹契丹遣奚會禿餒以萬騎突入定州晏球退保曲陽都與禿餒就攻之晏球與戰於嘉山下大破之禿餒以二千騎奔還定州晏球追至城門進攻之得其西關定州城堅



不可攻晏球增修西關以爲行府使定祁易三

州民輸稅供軍食而守之

通鑑參舊五代史明宗紀及契丹國志

契丹復益兵入定州王晏球大破賊軍及契丹於

曲陽

王晏球聞契丹發兵將至令大軍趣望都張延

朗分兵退保新樂延朗遂之真定留趙州刺史

朱建豐將兵修新樂城契丹已自他道入定州

與王都夜襲新樂破之殺建豐乙丑晏球延朗

會於行唐丙寅至曲陽王都乘勝悉其眾與契

丹五千騎合萬餘人邀晏球等於曲陽丁卯戰



於城南晏球集諸將校令之曰王都輕而驕可  
一戰而擒也今日諸君報國之時悉去弓矢以  
短兵擊之回顧者斬於是騎兵先進奮搥揮劍  
直衝其陣大破之僵尸蔽野契丹死者過半餘  
眾北走都與禿餒得數騎僅免盧龍節度使趙  
德鈞復邀擊契丹北走者殆無子遺

通鑑參契  
丹國志

夏六月王晏球進攻賊軍敗績

王晏球知賊有備未易急攻朱宏昭張虔釗切  
於立功因宣言大將畏怯有詔促攻賊壘晏球  
不得已而進兵殺傷將士三千人

通鑑參舊五  
代史唐明宗



紀

秋七月王晏球大破契丹於唐河北

契丹復遣其酋長惕隱將七千騎助賊晏球逆戰於唐河北大破之甲子追至易州時久雨水

漲契丹爲唐所俘斬及陷溺死者不可勝數

通鑑

參舊五代史唐明宗紀及契丹國志

冬十月詔促王晏球攻賊

都據定州守備固伺察嚴諸將屢有謀翻城應官軍者皆不果帝遣使促王晏球攻城晏球與使者聯騎巡城指之曰城高峻如此借使主人



聽外兵登城亦非梯衝所及多殺精兵無損於  
賊如此何爲不若食三州之租愛民養兵以俟  
之彼必內潰帝從之

通鑑

己丑天成四年王晏球克定州獻俘馘

王晏球攻定州都禿餒突圍不得出二月癸丑  
定州都指揮使馬讓能開門納官軍都巷戰而  
敗奔馬歸縱火自焚府庫妻孥一夕俱燼獲王  
都首級生擒其四男一弟并托諾等士卒二千  
餘人獻於行在禿餒至大梁斬於市

通鑑參舊  
五代史王

都傳及契  
丹國志



北面行營招討使權知定州行州事王晏球入朝  
詔封爲鄆州節度使加兼侍中以北面行營副  
招討使滄州節度李從敏爲定州節度使晏球  
在定州城下以私財饗士自始攻至克城未嘗  
戮一卒三月辛巳晏球入朝帝美其功晏球謝  
久煩饋運而已

通鑑

三月王晏球獲僞太子李繼陶於定州

初莊宗徇地河北獲小兒畜之宮中名曰得得  
及長賜姓名李繼陶帝卽位縱遣之王都收之  
使衣黃袍坐堦間欲惑軍士人咸知其僞競相



詬辱城既克晏球獲送於闕下行至邢州遣使

戮焉

資治通鑑參  
舊五代史

戊戌後晉高祖天福三年詔蠲恤定州饑民

八月壬午定州奏境內旱民多流散詔定州所

差軍前夫役逃戶夏秋稅並放

舊五代史  
高祖紀

己亥天福四年閏七月以王廷允爲義武軍節度使

先是處直子威避王都之難亡入契丹及義武

缺帥契丹請使威襲父土地帝辭以中國之法

必自刺史團練防禦序遷乃至節度使請遣威

至此漸加進用契丹主怒復遣使來言曰爾自



節度使爲天子亦有階級耶帝恐其滋蔓不已  
厚賂契丹且請以處直兄孫漳德節度使王廷  
允爲義武節度契丹怒稍解

通鑑

壬寅天福七年以定州節度使王廷允爲滄州節度使

以邢州節度使爲定州節度使

舊五代史  
晉高祖紀

癸卯天福八年定州吏請索饑民軍食馬全節不許

是歲春夏旱秋水蝗大起東自海壖西距隴坻  
南踰江淮北抵幽薊原野山谷城郭廬舍皆滿  
食竹木葉俱盡重以官括民穀使者督責嚴急  
至封碓磳不留其食民餓死者數十萬口流亡



不可勝數朝廷以恒定饑甚獨不括民穀杜威  
奏稱軍食不足請如諸州例許之遂用判官王  
緒謀檢索殆盡閭境苦之定州吏欲援例爲奏  
義武節度使馬全節不許曰吾爲觀察使職在  
養民豈忍效彼所爲乎

通鑑

甲辰晉齊王開運元年秋七月以定州節度使馬全節

爲鄴都守加兼侍中以前陝州節度使王周加  
檢校侍中改定州節度使

己巳開運二年杜威等諸軍會於定州

契丹入寇自恒州進攻祁州下之事聞詔北面



行營都招討使杜威以本道兵會馬全節等進

軍禦之三月乙巳諸軍會於定以攻契丹

通鑑參舊

五代史及契丹國志

三月諸軍自定州引歸詔以泰州隸定州

諸軍旣敗契丹泰州來降契丹乘奚車走十餘

里追兵急獲一橐駝乘之而走諸將請急追李

守貞曰兩日人馬渴甚今得水飲之皆足重難

以追寇不若全軍而還乃退保定州乙丑諸軍

自定引歸詔以泰州隸定州

通鑑參契丹國志

晉齊王開運二年夏六月以定州節度使王周爲



恒州節度使以前易州刺史安審約爲定州節度使

丙午開運三年春正月定州奏契丹入寇

二月詔滑州皇甫邈率兵援糧入易定等州以上舊五

代史

夏六月狼山妖人孫方簡叛附於契丹

定州西北二百里狼山土人築堡山上以避寇堡中有佛舍尼孫深意以妖術惑眾方簡及弟行友嗣行其術徒眾日滋會晉與契丹絕北邊寇盜充斥方簡與行友帥鄉里豪健者據寺



行營都招討使杜威以本道兵會馬全節等進

軍禦之三月乙巳諸軍會於定以攻契丹

通鑑參舊

五代史及契丹國志

三月諸軍自定州引歸詔以泰州隸定州

諸軍旣敗契丹泰州來降契丹乘奚車走十餘

里追兵急獲一橐駝乘之而走諸將請急追李

守貞曰兩日人馬渴甚今得水飲之皆足重難

以追寇不若全軍而還乃退保定州乙丑諸軍

自定引歸詔以泰州隸定州

通鑑參契丹國志

晉齊王開運二年夏六月以定州節度使王周爲



恒州節度使以前易州刺史安審約爲定州節度使

丙午開運三年春正月定州奏契丹入寇

二月詔滑州皇甫邇率兵援糧入易定等州

以上舊五

代史

夏六月狼山妖人孫方簡叛附於契丹

定州西北二百里狼山土人築堡山上以避

寇堡中有佛舍尼孫深意以妖術惑眾方簡及弟行友嗣行其術徒眾日滋會晉與契丹絕北邊寇盜充斥方簡與行友帥鄉里豪健者據寺



爲寨以自保契丹入寇方簡帥眾邀擊頗獲其  
甲兵牛馬軍資人往依之者益眾久之至千餘  
家遂羣聚爲盜又懼爲吏所討乃歸欵朝廷朝  
廷亦資其禦寇署東北招收指揮使方簡邀求  
不已朝廷不能副其意遂降契丹請爲鄉道以

入寇

通鑑參新五代史及  
契丹國志並詳鑒戒

契丹入寇命李守貞等帥師禦之駐軍定州

定州奏契丹壓境詔守貞爲北面行營都部署  
滑州皇甫邇爲副相州張彥澤充馬軍都指揮  
使定州李殷充步軍都指揮使以禦之八月庚



申大軍駐定州

秋九月張彥澤敗契丹於定州北

己亥彥澤敗契丹於定州北斬首三千級追襲  
百餘里生擒將四人摘得耳環二副進呈

冬十有一月契丹大舉入寇自易定趨恒州

杜威等在武強聞契丹自易定至恒將自貝冀  
而南時張彥澤在恒引兵會之言契丹可破之  
狀威等復趣恒以彥澤爲前鋒至中渡橋橋已  
爲契丹所據彥澤帥騎爭之契丹焚橋退遂與

契丹夾滹沱而軍

以上通鑑參舊五代史及契丹國志



李殷敗契丹於嘉山

十一月乙卯李殷夜領捉生四百人往曲陽嘉

山下逢賊軍車帳殺千餘人獲馬二百匹

舊五代史

十二月李殷叛降於契丹契丹主以孫方簡爲義

武節度使

時杜威張彥澤等降契丹者甚眾至是義武節

度李殷復偕安國留後方太等降於契丹

通鑑

丁未後漢高祖天福十二年契丹主以定州節度副使

耶律忠爲定州節度使

按徐無黨五代史注畧云天福後晉年號也天

福止八年改元開運漢雖建國而仍稱晉年號又捨開運而追續天福爲十二年



五月契丹永康王烏裕自鎮州還蕃行次定州  
以定州節度副使耶律忠爲節度使孫方簡爲  
雲州節度方簡怨恚且懼爲契丹所留遷延不  
受命帥其黨三千人保狼山故寨控守要害契  
丹攻之不克未幾遣使來降帝復其舊官以扞  
契丹

舊五代史參通  
鑑及契丹國志

秋八月契丹將麻答等奔定州

麻答貪猾殘忍眾心怨憤又聞帝入大梁皆欲  
南歸何福進李榮潛結軍中壯士數十人謀攻  
契丹約以擊佛寺鐘爲號辛巳契丹主遣騎召



馮道李崧和凝會葬於木葉山道等未行食時  
鐘聲發漢兵奪契丹守門者兵擊契丹殺十餘  
人因突入府中推圍練使白再榮爲帥諸將旣  
至煙火四起鼓譟震地前磁州刺史李穀恐事  
不濟請馮道至戰所慰勉士卒士卒見道等至  
爭自奮會日暮有村民數千譟於城外契丹懼  
而北遁麻答崔延勲劉晞皆奔定州

通鑑

戊寅

高祖乾祐元年孫方簡自狼山復據定州

耶律忠聞鄴都旣平常懼華人爲變會詔以成  
德留後劉在明爲幽州道馬步都部署使出兵



經畧定州未行忠與麻答等焚掠定州悉驅其  
人棄城北去孫方簡自狼山帥其眾數百還據  
定州又奏以弟行友爲易州刺史方邇爲泰州  
刺史每契丹入寇兄弟奔命契丹頗畏之於是  
晉末州縣陷契丹者皆爲漢有矣

通鑑參舊五代史及契丹

國志

己卯 隱帝乾祐二年冬十月加義武節度使孫方簡同

平章事

舊五代史

契丹入寇侍中郭威遣王峻分軍趣定州

十月契丹入寇前鋒至邢洛貝魏河北告急郭



威受詔帥師赴北邊以王峻爲監軍其月十九

日威至邢州遣峻前軍趣鎮定時契丹已退郭

威大閱欲臨寇境詔止之

舊五代史參契丹國志

辛亥後周太祖廣順元年義武節度使孫方諫入朝

方簡因避諱改方諫八月入朝詔徙鎮國節度

使以其弟行友爲義武留後

通鑑參舊五代史

癸丑廣順三年契丹寇定州楊宏裕帥師擊之

閏正月契丹寇定州圍義豐軍定和都指揮使

楊宏裕夜擊其營大獲契丹遁去又寇鎮州本

道兵擊走之

通鑑



甲寅 世宗顯德元年以義武留後孫行友爲節度使

舊五

代史

己未 顯德六年二月甲子命義武節度使孫行友扞西

山路

防北漢救契丹也

通鑑胡氏註

夏五月定州節度使孫行友攻拔易州

行友奏拔易州擒契丹刺史李在欽獻之斬於

軍市

通鑑參舊五代史

冬十有一月北漢會契丹兵寇定州

七年正月朔文武百僚進賀鎮定二州馳奏契

定州志

卷之四

歷紀 歷代事蹟

三



丹入邊河東軍自土門東下與契丹合勢乃遣  
匡允率兵禦之癸卯次陳橋驛甲辰爲諸將所  
擁還受禪契丹與河東兵聞之驚曰中國有英

主矣卽遁去

舊五代史周恭帝紀參東  
都事畧及商輅續綱目

辛酉宋太祖建隆二年詔執易定節度使孫行友削其

官勒歸私第

行友繼其兄方簡鎮易定踰八年狼山佛舍妖  
黨益盛帝卽位行友不自安累表乞罷不許行  
友懼繕甲兵將還據山寨以叛兵馬都監樂繼  
能密表其事帝遣李懷節馳騎會鎮趙之兵僞



爲巡邊者直入定州行友不之覺旣而出詔令

舉族歸朝行友倉皇聽命旣至訊之得實制削

官禁錮之

薛應旂續通鑑參  
宋史太祖本紀

己太祖開寶二年韓重贇敗契丹於定州

夏四月契丹復救北漢帝度其必由鎮定至太

原使韓重贇倍道兼行以赴之五月至定州陣

於嘉山契丹兵自定州西入望見旗幟大駭欲

遁重贇急擊大破之擒其首領三十人癸未使

來告捷帝大喜優詔褒美

宋史太祖紀參薛氏  
通鑑及宏簡錄韓重

贇傳



庚午 開寶三年契丹寇定州田欽祚敗之於滿城

契丹聚六萬騎攻定州帝命田欽祚領兵三千  
禦之帝謂欽祚曰彼眾我寡但背城列陣以待  
之敵至卽戰勿與追逐欽祚與契丹戰於滿城  
契丹兵小卻乘勝至遂城欽祚馬中流矢而踣  
騎士王超以馬授欽祚軍復振自旦至晡殺傷  
甚眾夜入保遂城契丹圍之數日欽祚開南門  
突圍出是夕至保寨軍中不亡一矢帝大喜自

是益修邊備

畢沅續通鑑  
參契丹國志

巳 太宗太平興國四年帝自范陽次定州命孟元喆



屯兵留守

夏七月契丹遣耶律休哥救燕癸未帝督諸軍戰

於高粱河耶律沙敗將遁休哥適至與耶律斜

軫分左右翼復戰王師敗績死者萬餘人甲申

班師休哥追至涿州帝急乘驢車走免丙戌次

金臺驛戊子次定州庚寅命崔翰及定武節度

使孟元喆等留屯定州

宏簡錄太宗紀參畢氏續通鑑

秋九月命李神祐等率兵屯定州

庚辰太平興國五年設都部署於定州使米信屯兵護

之



十月戊寅契丹主賢自將圍瓦橋關帝大發兵屯關南又設定州都部署鎮定州甲午命侍衛馬軍都指揮使米信屯兵護定州

丙戊太宗雍熙三年春正月命田重進爲定州都部署

知雄州賀令圖等請伐契丹詔以天平軍節度

使曹彬等帥眾出雄州侍衛都指使靖難軍節

度使田重進爲定州路都部署出飛狐

以上宋史太宗

紀

夏五月詔田重進屯定州

五月耶律休哥以兵薄王師彬等逆戰於岐溝



關敗績乃召曹彬米信崔彥進歸闕命田重進

屯定州

宏簡錄  
太宗紀

秋七月命李繼隆爲馬軍都虞侯知定州

當米信軍潰時獨李繼隆所部成列而還田重

進亦全軍不敗故有是命

參薛氏  
續通鑑

丁亥  
雍熙四年定州都部署田重進入朝

并州都部署潘美定州都部署田重進皆承詔

入朝庚寅出御製平戎萬全陳圖召美重進及

崔翰等親授以進退攻擊之畧并書將有五材

十遇之說賜之

畢氏續  
通鑑



戊子太宗端拱元年秋九月以李繼隆爲定州都部署

冬十有一月契丹進寇定州李繼隆敗之於唐河

契丹拔滿城戊戌下祁州縱兵大掠己亥拔新

樂庚子破小狼山寨遂至於唐河北諸將欲堅

壁清野勿與戰繼隆不聽乃與監軍袁繼忠出

兵拒戰摧鋒先入契丹大潰追擊至曹河捷聞

降璽書錫予甚厚

畢氏續通鑑云唐河之敗遼史不書當時但誇克敵諱言

敗也今從太平治迹通類書之此役乃李繼隆之功而宋會要以爲郭守文與李繼隆背城而

戰宋史本紀亦作郭守文敗契丹於唐河今從李燾長編及契丹國志

己丑端拱二年定州都部署李繼隆饋糧威虜軍與尹



繼倫大敗契丹於徐河

威虜軍糧餽不繼契丹欲窺取之詔繼隆發鎮  
定大軍護送軍糧數千乘趨威虜耶律休哥帥  
精騎數萬邀諸途北面都巡檢使尹繼倫曰寇  
蔑視我耳彼捷還則乘勝而驅我北去不捷亦  
且洩怒於我我輩將無遺類矣爲今日計當卷  
甲銜枚以躡之眾皆憤激從命繼倫令秣馬人  
持短兵潛襲其後夜行數十里至徐河天未明  
繼隆方陣於前以待繼倫從後急擊殺契丹一  
大將眾皆驚潰休哥方食失箸走爲短兵中其



臂創甚乘馬先遁餘眾引去契丹爲之奪氣

契丹

國志參畢氏續  
通鑑及通鑑

丙申太宗至道二年冬十二月有司請置官掌定州銀

鈔不許

有言鳳州出銅鈔定州出銀鈔請置官掌其事

帝曰地不愛寶當與眾庶共之遂不許

己亥太宗咸平二年命傅潛爲鎮定行營都部署

秋七月帝聞契丹將寇邊以馬步軍都虞侯傅

潛充是職並以富州刺史張昭允爲都鈐轄

秋九月命王繼英馳詣鎮定高陽關路宣慰將士



樞密都承旨開封王繼英以契丹大入請帝北  
巡帝納之遂命繼英馳傳視行宮頓置宣慰將  
士

冬十有二月契丹入寇鎮定行營都部署傅潛屯

兵不發

詳鑒戒

庚子咸平三年春正月范廷召自定州分兵禦契丹敗

績

契丹師至瀛州廷召分兵禦敵契丹將梁王隆  
慶問諸將誰敢當者蕭柳願爲之先謂諸將曰  
陣若動諸君急攻遂馳而前陣少移隆慶乘勢



臂創甚乘馬先遁餘眾引去契丹爲之奪氣

契丹

國志參畢氏續  
通鑑及通鑑

丙申太宗至道二年冬十二月有司請置官掌定州銀

鈔不許

有言鳳州出銅鈔定州出銀鈔請置官掌其事

帝曰地不愛寶當與眾度共之遂不許

己亥太宗咸平二年命傅潛爲鎮定行營都部署

秋七月帝聞契丹將寇邊以馬步軍都虞侯傅

潛充是職並以富州刺史張昭允爲都鈐轄

秋九月命王繼英馳詣鎮定高陽關路宣慰將士



樞密都承旨開封王繼英以契丹大入請帝北  
巡帝納之遂命繼英馳傳視行宮頓置宣慰將  
士

冬十有二月契丹入寇鎮定行營都部署傅潛屯

兵不發

詳鑒戒

庚子

咸平三年春正月范廷召自定州分兵禦契丹敗

績

契丹師至瀛州廷召分兵禦敵契丹將梁王隆  
慶問諸將誰敢當者蕭柳願爲之先謂諸將曰  
陣若動諸君急攻遂馳而前陣少移隆慶乘勢



攻之廷召軍亂柳中流矢裹創而戰眾皆披靡  
先是廷召乞援於高陽關都部署康保裔保裔  
卽選精銳赴之至瀛州西南裴村廷召約以詰  
朝合戰及夕廷召潛師遁保裔不之覺遲明遼  
師圍之數重保裔力戰數十合兵盡矢窮援兵  
不至與部將宋順俱被執

按東都事畧及長編俱以瀛州之役保裔死之  
老學庵筆記亦云戰歿宋史列保裔於忠義傳  
故定州舊志亦以保裔入名宦忠烈然宋史文  
苑傳載路振祭戰馬文云契丹至高陽關執大  
將康保裔咸平六年謝德權入對亦言保裔被  
擒是保裔之死與擒古今迄無定論遼史載聖  
宗十七年次瀛州與宋軍戰擒其將康保裔永  
順十九年以所俘宋將康昭裔爲昭順軍節度



使保裔昭裔雖未敢遽信爲一人而保裔當日之被擒似可卽遼史爲據此次纂修州志已將名宦之忠烈者并入名宦矣其中撤去保裔者以其始非宋臣非以終復爲遼臣也至其被擒而非死戰亦已折衷諸說不得不附詳於此資論古之採擇焉。遼史於上年南伐連而書之宋史則繫以年月今以爲據

詔削傳潛張昭允官爵

傳潛之敗也錢若水請以軍法論斬乙酉詔削潛與昭允官爵潛流房州昭允流通州昭允子內殿崇班從範亦除名隨父流所仍籍其家

辛丑咸平四年秋七月詔王顯爲鎮定高陽關三路都

部署王超副之



邊臣言契丹謀入邊以山東道節度使王顯爲  
鎮定高陽關三路都部署天平節度使王超爲

副都部署

以上畢氏  
續通鑑

王咸平五年以王超爲定州路駐泊行營都部署王  
寅

繼忠副之詔定州置屯田

癸卯咸平六年夏四月契丹寇定州王超王繼忠禦之

敗績繼忠被執

契丹遣南府宰相耶律奴瓜及統軍蕭撻凜寇

定州超先發步兵千五百人逆戰於望都殺戮

甚眾繼忠與奴瓜等戰於康村自日昃至乙夜



敵勢小卻遲明復戰契丹悉眾攻東偏出陣後  
焚絕糧道繼忠率麾下躍馬馳赴契丹圍之數  
十重士皆重創殊死戰且戰且行旁西山而北  
至白城力不能支遂被執帝聞之謂其已死優

詔贈官

參畢氏薛氏續通鑑及契丹國志

五月辛卯定州都部署王超奏契丹出境

詔改定州營田務爲屯田務

六月己未帝以陣圖方畧授諸將令鎮定高陽三  
路兵悉會定州

帝御便殿出陣圖示輔臣並授諸將方畧令鎮



定高陽三路兵悉會定州夾唐河爲大陣量寇  
遠近出軍並令樹柵寇來堅守勿逐俟信宿寇  
疲則鳴鼓挑戰勿離隊伍兵貴持重而敵騎無  
以馳突也

詔葺定州蒲陰縣城

以定州蒲陰縣當高陽關會兵路詔葺其城

<sup>甲辰</sup>真宗景德元年秋八月詔以鎮州等軍赴定州

邊臣言契丹謀大入詔鎮州所屯河東銳兵及

近南州軍先分屯兵並赴定州

以上畢氏  
續通鑑

閏九月契丹合兵攻定州



正丁卯蕭撻覽攻遂城擒守將王先知乃與契丹

主太后合兵攻定州王超陣於唐河執詔書按

兵不出敵勢益熾乃帥眾東駐陽城淀

畢氏續通鑑參

契丹國志

甲辰真宗景德元年開定州河通漕

冬十月詔魏能張凝田敏屯定州

宋史真宗紀

乙巳景德二年春正月詔合鎮定兩路都部署爲一

以契丹講和故也並罷諸路行營

薛氏續通鑑

以馬知節知定州

知節在鎮州時契丹方入塞民相攜入城知節



與之約有盜一錢者斬俄有竊兒童錢二百者  
卽戮之自是無敢犯者帝以河北守臣宜得有  
武幹善鎮靜者因以知節知定州

壬午 仁宗慶厯二年春二月詔定州與各軍備兵馬芻

糧器甲

是月並詔河北路州軍城隍宜修者悉修之河  
北諸州彊壯自三月後並赴州閱習委知州擇  
其彊勁者刺手背爲義勇軍

夏四月徙知澶州王德用爲真定府定州都部署  
五月以王德用改判定州兼三路都部署



五月德用入朝奏事命爲宣徽南院使判成德軍未行改命至日教士卒習戰未幾皆可用契丹使人來覘或請捕殺之德用不可曰彼得實以告是服人以不戰也明日大閱誓師命具糗糧聽鼓聲視吾旗所在覘者歸告且謂漢兵將大入和議乃定時發兵屯定州幾六萬皆寓居逆旅民間無一敢喧呼暴橫者將校相戒曰吾輩各務歛士卒勿令擾我菩薩

以上畢氏續通鑑德用事並詳

名宦

六月建定州北平寨爲北平軍



冬十月詔發定州禁軍屯涇原

詔發定州禁軍二萬二千入屯涇原仍錄陣亡

無子孫者續之妻女無依者養之

宏簡錄  
仁宗紀

丁亥慶厯七年秋八月詔析河北爲四路各置都部署

所謂四路大名真定定州瀛州也○

宋初大將  
兵在外者

日都部署治平以後避英宗諱始改部署爲總  
管此四路置都總管乃史臣追稱今改正之○

畢氏續通  
鑑攷異

戊子慶厯八年以資政殿學士給事中韓琦知定州

壬子神宗熙甯五年知定州滕甫請於河北州縣立弓

箭社



四月滕甫言河北州縣近山谷處民間各有弓  
箭社及獵射人習慣便利與番人無異乞下本  
道諸州縣并令募諸色公人及城郭鄉邨有武  
勇願習弓箭者自爲之社每歲春長吏就閱試  
之緩急可用從之

癸丑熙甯六年秋七月以中山真定等處爲西路

詔分河北爲東西路以中山真定信德慶源四  
府相濬懷衛洺深磁祁保九州天威上平安肅  
永甯廣信順安六軍爲西路

戊午神宗元豐元年十二月置提舉定州路水利司



己未元豐二年改定州屯田司爲水利司

庚申元豐三年秋九月增宣祖定州東安墳地二十頃

及守園戶

壬戌元豐五年夏四月同知樞密院呂公著知定州

公著以議五路舉兵伐夏諫不聽上表求罷仍  
謁告不出帝封還其奏賜手詔曰在廷之臣可

爲腹心之寄無逾卿者安得自暇自逸公著乃

復起視事及西師無功將圖再舉公著又固諫

帝不悅會章惇自定州召爲門下侍郎公著因

乞代惇守邊章再上乃命以資政殿學士知定



州以上畢氏  
續通鑑

戊辰哲宗元祐五年冬十月詔定州韓琦祠載祀典

辛未元祐八年秋八月端明殿學士兼翰林侍讀學士

禮部尙書蘇軾出知定州

甲戌哲宗紹聖元年夏四月詔蘇軾知英州以吏部尙

書胡宗愈代之

坐前掌制命語涉譏訕落一學士職知英州

以上

宋史哲

宗紀

丙子紹聖三年春正月詔除觀文殿學士韓忠彥知真

定府尋移定州

定州志

卷之四

歷紀 歷代事蹟

三



知州  
卷之四  
三  
丁丑紹聖四年閏二月觀文殿學士知定州韓忠彥降  
充資政殿學士

以中書舍人蹇序辰論其忘恩附姦毀訛先帝  
故也

庚辰哲宗元符三年冬十二月蔡京復龍圖閣學士知  
定州

壬午徽宗崇甯元年春正月以知定州蔡京爲端明殿  
學士知大名府

夏五月以尙書左丞陸佃出知定州

朝廷欲更懲元祐餘黨佃言不宜窮治或言佃



名在黨籍不欲窮治正恐自及耳遂出知定州

癸巳徽宗政和三年升定州爲中山府

乙巳宣和七年春三月置總管於中山

辛丑童貫自太原真定瀛莫入燕山犒常勝軍

奏請河北置四總管中山辛興宗真定王元河

中楊惟忠大名王育令招逃卒游手人爲軍從

之

冬十有二月知中山府詹度奏金人分道南下

金人幹离不粘罕分兩道入攻是月連三奏至

京師朝廷失色



金人圍中山府詹度禦之

金兵大入踰中山而南

先是有旨幸淮浙聞金兵南下詔集羣臣赴都

堂問計給事中直學士吳敏曰陛下定計巡幸

萬一守者不固則行者必不達帝曰正憂此敏

曰陛下使守者威福足以專用則其人守必固

守固則行者達矣帝稍開納敏遂荐太常少卿

李綱綱因上禦戎五策

以上畢氏  
續通鑑

丙午欽宗靖康元年議割中山三鎮地以與金

鄭望之在金營宗望約見之引李鄴沈瑄於其



坐後需金五百萬兩銀五千萬兩牛馬萬匹衣  
緞百萬匹割中山太原河間三鎮地並宰相親

王爲質望之入奏遂議定交割

宋史欽  
宗紀

二月以种師中爲制置副使援中山

金人次高平舉朝震懼命統制官郝懷將兵一  
萬屯河陽扼太行琅車之險以种師道爲河北  
宣撫使駐滑州以姚古爲制置使總兵援太原  
以种師中爲制置副使援中山河間諸郡

三月金宗望攻中山不下遂北還

种師中旣受援中山之詔欲以兵渡河會上言



由邢相間提出上黨擣其不意當可以逞朝廷  
疑不用至是宗望攻中山河間兩鎮皆固守不  
下師中因進兵以逼之宗望遂北還

知中山府詹度爲資政殿學士

夏四月金以中山三鎮不下遣使來議

金宗望遣賈寔冉企弓與王球俱來時球至中  
山望都縣追及肅王宗望以三鎮未下復令王  
回故遣寔等來議

冬十月金人破真定進攻中山

時旣遣使講和金人陽許而攻畧自如諸將以



和議故皆閉壁不出御史中丞呂好問乃請亟  
集滄滑邢相之戍以遏奔衝而列羣勤王之師  
於畿邑以衛京城疏入不省金人破真定攻中  
山上下震駭廷臣狐疑相顧猶以和議爲詞  
侍御史胡舜陟請援中山不省

十一月帝遣使割中山三鎮以與金不受

王雲副康王構再使宗望軍許割三鎮并奉袞  
冕車輅仍尊金主爲皇伯上尊號旣而同金使  
王汭來言曰金軍已至西京不復請三鎮直欲  
畫河爲界陸對殊不遜許之

以上畢氏  
續通鑑



丁未高宗建炎元年秋七月以范瓊爲定武軍承宣使

御營使司同都統制

薛氏續通鑑

九月金人復攻中山

是秋金人分據兩河州縣惟中山慶源府及保

莫邢洺冀磁絳相諸州固守不遽陷

朱史高宗紀

己酉建炎三年金人陷中山府

中山受圍三年城中糧絕人皆羸困不能執兵  
知府陳邁欲盡括城中兵力戰部將沙振潛裹  
刃入府害邁及其子錫等十七人振出爲帳下  
卒所殺摔裂之身首無餘城陷金人見邁尸曰



忠臣也歛而葬之

綱目參大金國志薛氏畢氏通鑑宋史本紀俱載在建炎

二年並  
詳名宦

庚戌金章宗明昌元年判定武軍節度使隋王永升入

朝

癸丑明昌四年判定武軍節度使鄭王永蹈以謀反誅

初崔溫郭諫馬太初以讖記相術干永蹈永蹈深信其說陰結內侍鄭兩兔伺金主起居以溫爲謀主諫與太初往來遊說謀取河南軍以爲助家奴董壽諫不聽以語同輩干家奴上變時永蹈在京師詔完顏守貞等鞠問久不



能決金主怒瓜勒佳清臣奏曰事貴速絕以安人心於是賜永蹈及妃卞王二子安春阿遜公主常樂自盡崔溫郭諫馬太初等皆棄市

金史章宗

紀參畢氏續通鑑

癸酉宣宗貞祐元年蒙古破中山府

蒙古主鐵木真欲留中都乃分軍屯其城北號北軍陽綴之而陰發兵三道命本赤察合台窩濶台爲右軍循太行而南破保州中山邢洺磁相衛輝懷孟諸郡

元史太祖紀參宏簡錄及畢氏續通鑑

甲戌貞祐二年車駕次中山府勅扈從軍所踐禾稼酬



之

丁丑宣宗興定元年冬十月元兵徇中山府

由新樂縣南下磁州

金史宣宗紀參畢氏續通鑑

戊寅興定二年夏五月張柔會兵趨中山

初張柔主帥苗道潤與中都經畧副使賈瑀有隙道潤從數騎行瑀伏甲射殺道潤遣吏告其部將張柔欲使附已柔大怒遂檄召道潤部曲告以復讐之意眾皆羅拜推柔爲長因令兵趨中山時元兵出紫荆關柔遇之戰於狼牙嶺被執遂降於元



已卯興定三年元將張柔拔中山

柔旣破賈瑀剖其心以祭道潤悉收餘眾屯滿城真定帥武仙會兵來攻柔出奇兵數百迎戰大破之乘勝下完州進拔郛山祁陽曲陽諸城進圍中山仙遣其將葛鐵槍與柔戰於新樂飛矢中柔頰落其二齒柔拔矢戰鐵槍大敗死者數千人仙復遣劉成攻柔柔又敗之遂拔中山

以上元史張柔傳  
參畢氏續通鑑

秋八月中山治中王善殺權知府李濟等歸於元初武仙鎮真定畜異志忌善威名密令知府李



濟府判郭安圖之至是濟安張宴伏兵召善計  
事善覺卽還治眾倉卒得八十人慷慨與盟人

爭自奮遂誅濟安因率眾歸元

元史王善傳

元知中山府事董俊率兵襲破眞定

俊之附元也元人以勞擢知中山府佩金虎符  
將攻眞定眞定帥武仙固守不下定武諸城皆  
棄元應仙俊率眾乘隙夜襲眞定逐仙走之定  
武諸城復棄仙附元

庚辰興定四年中山復棄元歸金

定武旣附於元於是大發兵益武仙元治中李



全降金中山應之時元將董俊屯兵曲陽武仙銳氣迎戰敗績於黃山下仙脫走俊遂獻捷於

木華黎

以上元史  
董俊傳

封武仙爲恒山公領中山諸郡

正月宰臣因伊喇光祖之議請分置公府上意不決御史中丞完顏伯嘉曰宋人以虛名致李全遂有山東實地苟能統軍守土雖三公亦何惜焉上曰他日事定公府無乃多乎伯嘉曰若事定以三公就節鎮何不可者上意乃決二月以真定經畧使武仙爲恒山公以中山真定府



沃冀威鎮甯平定州抱犢寨樂城南宮縣隸之

同時九府財富兵強惟恒山最盛

金史武仙傳  
參畢氏續通

鑑

夏六月知中山李明以城附於元

元將史天倪徇山東諸郡部卒有殺民豕者立

斬以徇軍中肅然遠近響應知中山李明趙州

李瑀邢州武貴威州武振磁州李平洺州張立

等望風皆下

元史史  
天倪傳

甲申哀宗正大二年元將史天澤合兵攻盧奴遂下中

山



武仙旣殺史天倪其弟天澤毅然曰不其國之

讐雖死不避况未必死耶遂傾貲裝易甲仗毅

然南還次滿城得士馬甚眾天澤攝行軍事遣

監軍李伯祐入元乞師元人因命天澤承兄職

爲都元帥遣將蕭乃台帥兵三千合勢進攻盧

奴武仙驍將葛鐵槍者擁眾萬人拒戰天澤迎

擊之身先士卒勇氣百倍鐵槍兵退阻泝河乘

夜而遁天澤追及之生擒鐵槍餘眾悉潰獲其

兵甲輜重軍威大振遂下中山畧無極拔趙州

仙棄真定奔抱犢寨

元史史天澤傳參蕭乃台傳及畢氏續通鑑



戊申明太祖洪武元年副將軍常遇春等帥師下中山

大將軍徐達遣孫興祖俞通源等帥師進克永

州常遇春傅友德等畧保定中山河間至州官

吏舉城迎降因以指揮董勲守之

從信錄  
參黃志

改中山府爲定州隸真定府復以真定府隸山東

丙子洪武二十九年十月以真定定州隸燕南道

庚辰恭閔帝建文二年平安及吳傑屯定州

時靖難兵起封盛庸厯城侯擢鐵鉉山東布政

使參贊軍務尋進兵部尙書以庸爲平燕將軍

都督陳暉平安副之盛庸屯德州平安及吳傑



屯定州徐凱屯滄州

明史恭  
閔帝紀

辛巳建文三年秋七月靖難兵還次定州

靖難兵掠彰德平安率兵攻北平靖難兵聞之  
還次定州平安邀擊燕將劉江於平村敗績

八月燕兵圍定州

大同守將房昭引兵入紫荆關掠保定下邑駐  
易州水西寨約期進攻北平燕王聞之卽日還  
兵援保定八月丁巳燕王渡濠沱河留其將孟  
善守保定丙子真定總兵遣都指揮韋諒率兵  
餉饋援房昭丁丑燕兵圍水西寨遣別將朱榮



圍定州

以上從信錄

九月燕王棣進攻定州

燕兵圍水西寨久不下燕王曰我圍房昭寨急  
真定必來援然摧敗之餘進必不銳我若親往  
定州彼聞之必速來來則據險以待我還兵合  
擊必敗之援兵敗寨可不攻而下也於是親率  
輕騎進攻定州

冬十月棣自定州還破花英等於齊眉山下

平安等聞燕王親攻定州遣都指揮花英鄭琦  
率步騎三萬援房昭於水西寨燕王自定州馳



還與圍寨兵合擊南兵於齊眉山下令勇士捲  
旆登山潛出陣後張旗幟寨中望見大駭與真  
定兵俱潰斬首萬餘級墜崖死者甚眾獲其將  
花英鄭琦王恭詹忠等惟房昭韋諒走免遂破  
水西寨還師北平

以上從信錄參谷  
應泰紀事本末

壬午 洪武三十五年秋八月設玉林衛於定州

卽建文四年也按明史是年六月己巳燕王卽  
皇帝位秋七月詔今年以洪武三十五年爲紀  
明年爲永樂元年玉林衛設  
於八月故以三十五年紀之

丙辰 英宗正統元年七月令定州衛官軍協守倒馬關

洪武初設唐縣巡檢司官兵把截至是復建關



城添衛兵戍守爲定制

王志

已巳正統十四年冬十月石亨石彪破瓦刺於定州之

清風店

也先長驅至京師窺德勝門石亨伏兵擊之殺也先弟孛羅平章卯那孩高禮毛福壽又敗之

於彰義門也先由居庸關遁歸伯顏帖木耳奉

上皇

英宗於是年八月北狩九月景帝立遙尊帝爲太上皇帝

由良鄉趨紫

荆關諸將分兵躡其後石亨與從子彪追及於

定州之清風店大破之伯顏帖木耳遂奉上皇

由紫荆關而遁亨進爵爲武清侯

通鑑綱目三編參紀事本



未

庚午景帝景泰元年夏五月詔發臨清糧一萬石於定

州

時也先分道寇山西虜騎六萬圍代州鎮守眞  
定右僉都御史陸矩恐仍由紫荆倒馬等關入  
犯畿南因奏定州并倒馬關等處屯聚軍馬糧  
儲不給請運臨清糧以備緩急事下戶部議奏  
發臨清糧三萬石於三處其運至腳費米阜平  
每石給五斗倒馬關四斗定州三斗從之

黃志  
參紀

事本  
未



六月令山東原坐京倉小麥五萬石改運定州收

積黃志

己卯武宗正德十四年秋九月車駕幸定州

帝南征駐蹕定州者二日幸韓鉉宅見鉉孫朝鳳厚其頂曰此卿家之秀也因登料敵塔灑宸

翰焉黃志

辛巳正德十六年夏四月興世子嗣皇帝位駐蹕定州

二月武宗崩無子皇太后命大學士梁儲等迎興世子入繼大統四月發安陸路出定州駐蹕行宮題可以二字於屏間知州倪璣遂用以名



其堂

明史世宗紀參黃志

己亥世宗嘉靖十八年春二月敕中使往定州整備糧

料草束

遣司禮右監張敬錦衣衛正千戶張百齡往定州等縣分派銀一萬六千三百四十兩整備本色糧料草束支剩銀七千八百一十二兩存庫

黃志

冬十一月增派磚料銀

時修沙河城池工部請增正定等府銀六十餘

萬兩巡按御史陳修奏稱民竭力趨沙河之役



傾貲辦料今地方災傷又加派焉民不能堪官

亦難於督解

王志

丁未嘉靖二十六年查徵義勇銀於定州

先是河南山東兵赴各關應接派民供盤費銀

至是止調各處義勇不許僉派仍考查徵收剩

餘之數聽遇急支用

王志

壬午萬厯十年履畝行均平法

黃志

己卯懷宗崇禎十二年添設兵備道整飭真定分管東

北十六州縣駐定州

甲申大清



世祖章皇帝順治元年夏五月吳三桂破流賊於定州

闖賊既敗於保定疾走定州吳三桂統大兵追

及之賊還戰又破之於定州北

卽今之清水河南也

斬其

大將谷可成左光先傷足賊負之而逃闖遂西

走真定

明史稿李自成傳參紀事本末

命王固山撫定畿南駐定州

時賊將康文斗聞闖賊西逃遂大掠安平縣民

驚擾皆逃聚羅官屯有傅家莊生員呂光陽者

被擄殺其家人走報定州因發兵往誅之

王志

己順治六年裁定州道

丑



戊順治十五年裁定州衛守備官

改定州衛衙門  
為忠順營衙門

癸卯 康熙二年裁定州衛軍

始置永義里行差徭

己丑 康熙八年

恩詔養老

定制六十以上者布一疋米六斗貧戶皆報名

賑賚

己巳 康熙二十八年

恩詔放賑

為亢旱故

詔發米賑濟每人一日八合

自十月起至次年四月止

壬午 康熙四十一年



聖祖仁皇帝西

巡駐蹕定州眾春園

書紫陽絕句一首賜知州韓逢庠恭勒諸石

巳康熙四十八年

恩詔養老

定制年八十以上每人絹一疋綿一觔米一石  
肉十觔九十倍之至五十二年賞額亦同

壬康熙六十一年

恩詔放賑

是歲曲陽縣饑奉

詔動賑本地米一百

六十八石一升二合

癸雍正元年

恩詔放賑

是歲曲陽縣又饑奉

詔賑濟計發米三



百九十二石五升八合

秋九月

詔賞老民

乙巳 雍正三年

恩詔放賑

是歲定州大雨雹曲陽縣大水縣東南二鄉水

澇成災奉

詔賑濟三次

乙卯 雍正十三年大赦

是年

高宗純皇帝御極大赦天下除十惡大罪謀殺故殺強盜不赦外其餘死罪以下悉赦之

丙寅 乾隆十一年

恩赦減等



除情重不赦外餘減一等

冬十月

高宗純皇帝駐蹕定州

九月

幸五臺迴

鑾至十月由正

定至定州駐蹕眾春園

御製題雪浪石

二章用蘇軾原韻又定州覽古一章

命

張若靄圖雪浪石

御製再疊前韻一章

均

命勒石嵌壁

庚午乾隆十五年

高宗純皇帝南巡駐蹕定州



八月 駕發 京師九月駐蹕定州眾春

園 御製詠雪浪石詩二章疊蘇原韻和

蘇刻盆石詩韻一章次日起

鑾

御製曉發定州一律秋九月迴

鑾駐蹕

御製和蘇盆石詩次原韻又題雪浪石五疊前  
韻又詠雪浪石一律均勒諸石

辛 乾隆二十六年  
巳

高宗純皇帝西巡駐蹕定州

三月五臺迴

鑾駐蹕眾春園

御

製疊蘇刻盆石詩韻題雪浪石六疊前韻又詠



韓蘇詩一章

命州守勒石壁間

內乾隆三十一年

詔移置後雪浪石於雪浪

齋

直隸總督方觀承獲雪浪石於趙州臨城 奏

請移置苑囿以供

宸賞

上不許

詔置諸定州之雪浪齋并 御製

記文誌其始末

命州守勒石

辛乾隆四十六年

高宗純皇帝駐蹕定州

二月由五臺迴

鑾駐蹕眾春園 御



製雪浪石再疊前韻一章題雪浪石七疊前韻  
一章詠雪浪石七律一首勒諸石

丙午乾隆五十一年

高宗純皇帝駐蹕定州

三月由五臺迴

鑾至定州駐蹕

御

製雪浪石八疊前韻一章詠韓蘇甲乙一章四  
疊蘇刻盆石詩韻一章復題眾春園雪浪齋均  
勒石砌於壁

丙辰嘉慶元年

仁宗睿皇帝受禪御極大赦



與雍正十三年同

辛酉 嘉慶六年 恩詔放賑

是歲大水成災放賑用米共折銀九千八百六

十三兩六錢一分九厘

丙寅 嘉慶十一年 恩赦減等

與乾隆十一年同

辛未 嘉慶十六年

仁宗睿皇帝駐蹕定州

三月由五臺迴

鑾駐蹕於眾春園

御製雪浪石贊勒置乾隆

御製碑側



丁嘉慶二十二年

恩詔放賑

是歲大旱成災放賑用米共折銀一萬六千五

百九十兩八錢四分

庚辰嘉慶二十五年

宣宗成皇帝御極大赦

與嘉慶元年同

壬午道光二年

恩詔放賑

是歲大水民饑發賑米三千四百八十九石一

斗七升四合賑銀二千九十五兩八錢二分八

厘



癸未  
道光三年

恩詔放賑

是歲大水民饑發賑米二千八百十四石六升  
一合賑銀一千五百四十二兩五錢九分六厘

庚寅  
道光十一年

恩赦減等

與嘉慶十一年同

庚戌  
道光三十年

皇帝御極大赦

與嘉慶二十五年同



軼事

軼事非逸詩書例乃正紀之餘者耳如木之有旁櫟  
如水沮洳亦資漑濯詎曰稗官野史不足供考古之  
採挹乎紀其軼庶不至於逸矣

戰國策楚王伐中山中山君亡有二人荷戈而從之  
中山君顧二人曰子何爲者對曰昔臣之父嘗餓且  
死君舍殮以饋臣父臣之父且死曰中山君有事汝  
必赴之是以今來死君之難中山君曰以一杯羹而  
亡國以一殮而獲二死

呂氏春秋中山公子牟謂詹何身在江海之上心居



魏闕之下高誘曰子牟謂公子也詹子古得道者也  
又魏文侯飲問諸大夫寡人何如主也任座曰君不  
肖君也克中山不以封君之弟而以封君之子是以  
知不肖君也文侯不悅次及翟璜曰君賢君也臣聞  
其王賢者其臣直是以知君之賢也文侯悅

史記趙中山鼓鳴瑟趾躍躑

禮記鄭元注春清縹酒曰清酒今之中山冬釀接夏  
而成也縹綠色而微白也

朱異曲洎舊問定州酒名不一按張次賢鄖鄉涪江  
二集嘗記天下酒名中山園子正店名十日春今廢



爲邸又名瓜麴又名錯著水又中山堂名九醞

唐徐鉉玄怪記狄希中山人能造千日酒州人劉玄石好飲往求之希曰我酒發未定不敢飲君石曰縱未熟且與一杯得否希姑與之復索曰美哉可更與希曰且歸別日當來只此可眠千日石別有忤色至家醉死家不之疑哭而葬之三年希曰某應醒往問之家人曰亡來服已闋矣希驚曰行當醒乃命家人荷鍤往彼塚上汗氣蒸天及發方見開目引聲曰快哉醒我也因問希曰汝作何物令我今日方醒日高幾許墓上人皆笑被石酒氣衝入鼻各醉臥三月



寶革酒譜唐陽城爲諫議大夫每俸入度其經用之餘盡送酒家

王羲之筆經諸郡毫惟中山兔肥而毫長可用先以人髮杪數十莖雜青羊毛並兔毳裁令齊平以麻紙裹根令淨次取上毫薄布柱上令柱不露按秦遣蒙恬對兵備胡屯中山獵兔取毫爲筆韓昌黎毛穎傳祖此

孫承澤帖考定武蘭亭爲歐陽詢臨本刻於貞觀間按唐太宗爲秦王時嗜書因魏徵言右軍蘭亭真蹟在僧辨才處特遣御史蕭翼賺得武德四年入秦府



貞觀十年始命湯普徹馮承素諸葛貞趙模各臨揭  
以賜近臣當時褚遂良歐陽詢各有臨本然二人自  
出家法不拘拘於點畫後之所謂黃絹本褚臨是也  
所謂定武本歐臨是也迥分二派互爭雄長於宇宙  
間彼時歐石刻於禁中最稱難得每本已值數萬錢  
迨後石晉之亂契丹輦石而北棄於殺虎林慶厯中  
爲李學究所得其子負官緡無償定武守宋景文乃  
以帑金代償納石於庫熙甯間薛師正出牧刊一別  
本以求應者其子紹彭字道祖又模之他石潛易古  
刻又剔損古刻湍流帶左右五字爲識大觀中詔向



其子嗣昌取得龔宣和殿靖康之亂宗汝霖爲留守  
猶馳進高宗於揚州倉卒竟失所在今國學有蘭亭  
本宏治間出於天師庵土中燕都自五代終宋未歸  
中國石極遒秀知爲唐撫當是金人輦致東京之物  
姜堯章謂靖康之變宣和殿上石鼓及蘭亭序同入  
於燕或卽此也今人止知復州本爲定武的派而不  
知有國學本以見之者少也

琬琰錄蘭亭帖世以定武本爲冠自薛珣作帥別刻  
石移去於元本鐫損清流暎帶四字以惑人然定武  
又自有肥瘦二本而鐫損者爲真王順伯尤延之爭



辨畢竟瘦本風韻更勝其瘦本之石宣和間就薛珣  
家宣取收入禁中龕於睿思殿東壁建炎南渡宗澤  
遣人護送至維揚虜犯維揚失之或云金人以氊裘  
裹之以去

又晉劉琨與弟羣書吾體中煩悶常仰真茶汝可信  
致之

齊書晉永嘉五年曲陽民黃慶宅左園每種菜輒鮮  
異入夜嘗有光道士傳德古使人掘之獲玉印一文  
曰長承萬福

又郎基字世業中山新市人魯郡太守智之孫也在



官清慎無所營求嘗曰任官之所木枕亦不須作况重於此乎惟頗令人寫書樊子孟曰亦是風流罪過基答書曰觀過知仁斯亦可矣

前燕錄壽光二年常山祠樹根下得壁七十圭七十三光色異常慕容儁謂嶽神之命特祀以太牢

隋書范陽盧思道年十六遇中山劉松松爲人作碑銘以示思道思道多不解於是閉戶讀書師事河間邢子才後思道復爲文以示劉松松又不能甚解乃喟然嘆曰學之有益豈徒然哉

虞裕談撰貞觀中定州鼓城人魏全家富母忽然失



明卜者王子貞曰明年三月朔有青衣人東來療必  
愈至期候見著青紬襦者遂邀入款之其人曰僕不  
解醫但解作犁耳爲持斧繞舍求犁轅見桑曲枝臨  
井上遂斫下其母煥然見物此曲桑蓋井所致也

又白樂天方齋劉禹錫正病酒乃饋菊苗蘼蘆菹酢  
換取樂天六班茶二囊以自醒酒

又劉禹錫著椿樹餛飩法立秋前後易痢及腰痛取  
椿樹根一兩握搗篩和麪捻餛飩如皂莢子方清水  
煮空腹隨意數枚或山家客至餉以十枚不惟有益  
亦可稍延早食椿實而香樗似椿疎而臭惟椿根可



用也

又唐歲暮賜羣臣厯日並畫鍾馗劉禹錫代杜相公  
謝表云圖寫威神驅除羣厲頒行元厯敬授四時弛  
張有嚴光增門戶之貴動用協吉常爲掌握之珍

唐李蘩鄴侯外傳李泌字長源中山趙郡人也六代  
祖弼唐太師父承休吳房令母汝南周氏初氏尙幼  
有異僧僧伽自泗上來見而奇之曰此女當歸李氏  
生子三其最小者慎勿衣以紫衣當起家金紫爲帝  
師及旣娠凡二年而生泌生而髮至眉先是氏每產  
必累日困憊惟婉泌獨無恙遂小字曰順有道者云



十五歲當白日升天父母保惜親族憐愛聞之皆視若厄也一旦空中有異香氣及音樂聲李氏血屬必迎罵之至其年中秋日笙歌在室時有彩雲挂庭樹李氏之親愛多藏蒜蘂至數斛伺奇香奇音之至潛令人登屋以巨杓颺濃蒜汁潑之香樂遂散自此不復至

唐馮贇雲仙雜志中山僧表堅面多癍偶溪中得石如雞子夜涼信手磨而癍痕盡滅博異志龍窠中石磨痕甚效

宋釋文瑩玉壺清話杜審琦昭憲太后兄也任建甯



州時節旦請覲一日陳內宴於福甯宮昭憲臨之太祖太宗以渭陽之重終宴侍焉及爲壽二帝捧觴列拜樂人李著粗能屬文致詞廉陛下其畧曰前殿展君臣之禮虎節朝天後宮伸骨肉之情龍衣拂地又侯策季書先字君澤中山人少不喜學鬪鷄走狗雄鄉里南渡後慨然有爲學心與一時名士游盡絕少年事所作詩刻苦問學自漢魏六朝唐宋人諸集無不研究初爲季子遷所知薦與余先子亦喜之王飛伯負其材素少許可一見季書詩卽加敬爲人任俠尙氣然修謹無過失與余交最深久之居南頓家



甚貧遇朋友傾所有共樂天興改元陳亂失妻獨走  
大梁詣余會疾作數月死諸朋友爲買棺葬西城余  
爲誌其墓刻石平生詩甚多同王飛伯唱和南頓同  
唱和梁園又喜效西崑體甚有得其弔一貴人云歌  
翻薤露芻靈遠門掩秋風甲第深又云峯前雨送閨  
中夢樓上雲凝扇底歌又明月花樓閒玉鳳秋風桂  
漏戛銅龍又九疑湘瑟瑟龍竹子夜秦簫隔鳳樓又  
幽鳥弄音花覆地斷虹沉影水明河又詠雨云勢侵  
書帙湘芸潤聲入簾旌蠟炬清又和飛伯云世事催  
人南去早夢魂失路北歸遲置之唐集可亂真也



又劉琢伯成中山人刻苦爲學事母教弟以孝友聞朋友居鄧州人甚重之正大初舉進士南京余始與相識俄下第歸久之河南亂聞在武仙軍中使宋回爲所殺哀哉作詩甚工有云吳蠶絲就方成繭楚柳綿飛又作萍非淺淺者所能道也其過葉哭余先子詩亦佳

又劉昉仲宣中山人讀書有才學作詩甚有可稱嘗作淮陽入詠工甚居西華之小姚鎮時來游陳余識之遭亂歿

又王顯太宗在藩與周瑩爲給侍赤脚道者相顯曰



此兒須爲將相但無陰德爾及長太宗愛之曰爾非  
儒家奈寡學問他日富貴不免面牆取軍誠三篇令  
誦之咸平三年使相出師定州便宜從事忽一日一  
道士通刺爲謁破冠敝褐自稱酆都觀主笑則口角  
至耳亂鬢若剛鬣謂顯曰昨日上帝牒番魂二萬至  
本觀未敢收於冥籍死於公之手者公果殺之則功  
冠於世然滅公算十年二端請裁之顯謂風狂叱起  
後日契丹引數萬騎獵於威虜軍境卽梁門也會積  
雨虜弓皆皮絃軟弱不可用顯引兵勦襲大破之梟  
名將王貴十五輩獲僞羽林印二紐斬二萬級築京



觀於境上露布至闕朝廷以樞相召歸赴道數程而卒

宋太宗自并門乘勝直趨幽燕虜空山遯王師據幽州虜甘心沙漠矣有赦例耶君于越者小羌也請得五千騎以嘗王師不成退處未晚從之乃騎持一幟由間道邀我歸路周環往來晝夜不絕帝疑救兵大至宵歸定州王師多沒虜者虜至今號爲奇兵曰于越軍前此自柴世宗畫御河爲界虜未嘗敢犯邊自爾日尋干戈至眞宗澶淵之幸方息兵御河世宗時運漕河也



舊志真定屬中山郡出御梨故安屬范陽出御栗楊  
雄幽州箴曰蕩蕩幽州惟冀之別禹貢無幽州故安  
今見屬中山郡

談撰韓魏公素擅好施之德帥定州時道逢同鄉經  
生作攫公顧左右適無所有乃以所用銀掬水可及  
百金與之經生回中途又一攫客至經生曰公途次  
之物祇某我已得之幸勿往客訴以勢不獲已經生  
斷其半與之蓋公至誠感人如此後公當國有進士  
獻詩云建業江山千里遠長安風雪一家寒公賙錢  
百千云



石林詩話韓魏公鎮定武大興方畧每事無不自親  
有郡圃眾春園會歲饑涉春未嘗一遊幕府陳薦以  
詩請云水底魚龍思鼓吹沙頭鷗鷺望旌旗公亟答  
之云細民溝壑方援手別館鶯花任送春在鎮五年  
政聲流聞天子遂屬以爲相

青瑣詩話韓魏公鎮定武時門客彭知方爲酒使踰  
垣宿於室門吏以報弗究適種竹公爲詩曰殷勤洗  
濯加培護莫遣狂枝亂出牆客屬和云主人若也憐  
高節莫爲狂枝贈一柯公以百緡遣指使市都下以  
女奴贈之其愛士待客率類此



魏公家傳右侍禁孫勉監元城埽埽多蟄陷費工料  
勉詢知有巨竈穴其下乃伺出射殺之數日勉方晝  
臥爲吏追去云有竈訴當往證之旣至一宮闕守衛  
甚嚴吏云紫府真人宮也勉仰視真人乃韓魏公也  
亟俯伏訴公微勞之曰汝當往陰府證事乎勉述殺  
竈事公取黃誥示之曰竈不與人同被害汝埽殺之  
汝職也遣之使去出門遂寤事旣播揚神皇謂輔臣  
曰聞說韓琦爲真人是否皆曰未之聞也上具道所  
以咨嗟久之

鄒廸光良常仙系太保定州刺史龐籍死爲王屋山



君

宋梅堯臣碧雲駟狄武襄青與文潞公同鄉青在定  
州潞公令門客往遊青遺之薄潞公以書責青客再  
往加厚明年建節延州潞公令客致曰延州之行我  
有力焉青遂奏客試校書郎會以伐蠻功青晉階樞  
密使

石林詩語宋子京祁初不甚爲韓魏公所知當國時  
祁方補外嘉祐末入爲翰林學士偶朝會祁以病謁  
告有云不獲與率舞之列魏公殊薄之

邵氏見聞錄仁宗嘗幸張貴妃閤見定州紅甌器怪



問曰安得此妃以王拱辰所獻爲對帝怒曰戒汝勿聽臣僚饋遺不聽何也擊碎之妃愧謝良久乃已格古要論古定器俱出北直隸定州土脈細色白而滋潤者貴質麤而色黃者價低外有淚痕者是眞劃花者最佳素者亦好繡花者次之宋宣和政和間窑最好但難得成隊者有紫定色紫有黑定色黑如漆東坡詩云定州花甌琢紅玉凡窑器有茅簔骨出者價輕蓋損曰茅路曰簔無油水曰骨出乃骨董市語也留青曰札定州今眞定府似象窑色有竹絲刷文者曰北定窑南定窑有花者出南渡後博物要覽定器



有畫花繡花印花三種多圖牡丹萱草飛鳳造式多  
工巧近新仿定器如文王鼎爐獸面戟耳彝爐不減  
定人製法可以亂真若周丹泉初燒爲佳亦須磨去  
滿面火氣可玩若繼周而燒者合爐桶爐以鎖子甲  
毬門錦龜紋穿挽爲花地者製作極工不入清賞較  
丹泉之造遠甚稗史類編金花定碗用大蒜汁調金  
描畫然後再入窑燒永不復脫老學菴筆記故都時  
定器不入禁中惟用汝器以定器有芒也格古要論  
元朝戲金匠彭均寶效古定器制折腰樣者甚整齊  
故名曰彭窑土脈細白者與定器相似比青口欠滋



潤極脆不甚值錢賣骨董者稱爲新定器好事者以重價收之尤爲可笑○今見本州所出窑器麤拙僅足供家具求之諸籍所載不特絕無見者亦絕無知者蓋自遼宋以來兵燹數經人物屢變卽如緋絲本亦定產今皆江南所出而定人見之反詫爲天孫雲錦達者慎勿泥古而病民也

**周輝清波雜志**出疆時見燕中所用定器色瑩淨可愛近年所用乃宿泗近處所出非真也饒州景德鎮陶器所自出於大觀間窑變色紅如朱砂謂熒惑躔度照臨而然物反常爲妖窑戶亟碎之時有玉牒防



禦使仲欅年八十餘居於饒得數種出以相示云比之定州紅菱器色尤鮮明越上秘色器錢氏有國日供奉之物不得臣下用故曰秘色

費袞梁谿漫志東坡帥定武有武臣狀極朴陋以啟事來獻坡讀之甚喜曰奇文也客退以示幕客李端叔問何者最爲佳句端叔曰獨開一府收徐庾於幕中並用五材走孫吳於堂下此佳句也坡曰非君誰識之者端叔笑謂坡曰視此郎眉宇間決無是語得無假諸人乎坡曰使其果然固亦具眼矣卽爲具召之與語甚歡一府皆驚竹坡老人周少隱紫芝聞之



李端叔嘗語其事

蘇泉村者相傳因蘇文忠得名也公於州西北鄉一帶相度流泉教民藝稻如東西坂及南宋西漲等村皆是○今徧考諸籍無文忠治定州水利事舊志亦不載讀吳處厚記知當日薛公向所治水田正與蘇泉等村相近且西坂村本名薛坂豈此間土音相似訛薛爲西亦訛薛爲蘇乎而未敢決也

秦蜀驛程後記十三日抵定州謁韓忠獻蘇文忠二公祠祠爲眾春園舊址叔黨嘗通判中山今配享蘇祠又天甯寺壁舊有叔黨楷法云大帥陳公邀廉訪



梁公飯於天寧率其屬游企盛龠蘇過王執中趙猗  
韓楫同來孫仲舉王昭明劉用之皆與癸卯九月七  
日過題

鮮于樞相學齋雜鈔楊果字正卿號西菴中山人金  
末王鶚榜登科歷偃師蒲城令陝西行臺郎中北渡  
後移居洛陽歷河南經畧司中統改元以叅知政事  
予告歸里加銜懷孟總管

州南槐堤村有池明宣德間軍人趙牛牧馬其旁嘗  
產一駒骨相奇特時潛入水良久乃出視其毛下有  
鱗甲眾皆異之有司以聞用木匣馳進中塗暍死因



瘞道左今定興縣城北有龍馬塚

**舊志**平山嘗產靈芝五色輪囷有仙人採芝遺跡存

焉明知州袁瑄官賢皆有詩城東河池嘗產並蒂蓮  
明知州袁瑄官賢亦有詩句其後知州宋子質濬南  
池亦產並蒂蓮子質知定州時鄰境多蝗蝻惟定獨  
鮮未幾麥成有異穗並本諸穀如此者甚眾是歲大  
稔紳士詩以志喜編修馬之騏題其簡曰三異蓋合  
南池瑞蓮稱之也

州治西二里許道左有石橫斜三四尺厚一尺七寸  
其質渾樸堅潔其色赤黃如璞玉然相傳有星墜於



此化爲石故俗呼爲落星石天津總鎮某過此題太  
乙真精四字刻於鄰壁今壁已傾圯字無存

歲己酉纂修定州志二月朔同館者六人爲節烈婦  
女議立章程終日未決夜三鼓閉戶息燭而寢忽聞  
大聲撼戶作霹靂鳴雜具皆碎驚起周視並無形迹  
三月八日於所存採訪雜稿匣內檢查節烈專稿自  
晨至午咸以爲搜括無遺漏矣至會食匣忽作彈指  
聲陸續不絕最後一聲甚厲疑而啟匣再檢果有兩  
節婦稿黏於匣底前營書韓實蕢夢周兆麟事已附  
見人物志或以夢告或以聲警乃知忠孝節義皆兩




間正氣所鍾其精神意氣炯然如在自不與蔓草荒  
煙同歸漸滅也



此作爲平陽縣志爲定州志三月朔同館者六人爲節烈婦  
乙亥精四字氣於定州志三月朔同館者六人爲節烈婦  
歲已酉爲修定州志三月朔同館者六人爲節烈婦  
女讓立於定州志三月朔同館者六人爲節烈婦  
大聖城戶作霖趙鳴鶴等皆爲起河祖並無形迹  
三月八日於所存採訪雜稿內檢得舊志專稱自  
是至午歲以爲後姑無遺漏矣至會食匪忽作彈指  
聲雖猶不能最後一燈甚屬疑而敢更再檢果有西  
默回韻與城山底前志舊志同其多則光緒事已附  
間五歲以驗其詳而後定州志三月朔同館者六人爲節烈婦







知州元

卷之四

三



